


# Estetíks u busqíkqe Iqabíbídíñua

## Alkítáábá ágarrañlá tháñ



Shúlindu 4

Berta

# **Estetíks u busqíkqe Iqabíbídíñua**

## **Alkítáábá ágarrañlá tháñ**

### **Shúlindu 4**

#### **Maabá jáhazóne**

- Áhmed Usmán

#### **Maabí musqóne hu**

- Baadwí Mahámad
- Yúsuf Músa
- Abdunásír Alí

**Berta**

## **Grade 4 Berta Aesthetics Teachers Guide**

This booklet is a product of the Benishangul-Gumuz Language Development and Multilingual Education Project which is a joint project between the Benishangul-Gumuz Education Bureau, Bureau of Culture and Information and SIL Ethiopia.

**Benishangul-Gumuz National Regional State, P.O. Box 64, Assosa**

**SIL Ethiopia, P.O. Box 2576, Addis Ababa**

Title: Estetíks u busqíkqe Iqabíbídíñua

English title: Grade 4 Berta Aesthetics Teachers Guide

Language: Berta spoken in Ethiopia

Type of book: Teachers guide

Year of publication: July 2011

Number of copies 20

Cover page illustrations © SIL Ethiopia

Translators & Editors: Áhmed Usmán, Baadwí Mahámad, Yúsuf Músa,

Abdunásír Alí

Original Authors: አድኂናው አለምኑሁ እና አበበው ካልከይ (Adugnaw Alemneh and

Abebaw Kelkay)

© Alhoríá kqedqe ma álú dqííñá tha almáktabá algírayóyú thá Ikqlím  
Beníshangúl Gúmuz.

# Ahuha Alú

<u>Rootha alú</u>	<u>Gundí</u>
<b>1. Akqusqo dqukqúnúñ</b>	1
1.1 Añáñkqa	1
1.2 Gíñbuushú ñeero	4
1.2.1 Shakqala ma shabbahuqí	6
1.2.2 Alqáda u gíné alqadó	11
1.2.3 Haara u hohóz	13
1.2.4 Gíné almusíkqó	15
1.2.4 Aqílí alqadó	17
<b>2. Akqusqo Hollóñoníñ</b>	
Assáháñkqa	28
2.1 Annadáfá alu	31
2.1.1 Shakqala ma shabahuqí	37
2.1.2 Almádaras asqawarthíña	42
2.1.3 Ihuluá níño thá ídéle	43
2.1.4 Akqusqo taláta	
<b>3. Akqítho alú busqíkqethú</b>	
3.1 Thabá	67
3.1.1 Gíñ shákqallá tháábá	68
• Dqaakqa u mufa	68
3.1.2. Arrásím	71
3.1.3. Alhítím	74

3.2. Gíñgú shákqallá thá hu u thaabá -----	81
3.2.1 Gíñ shákqallá añ dqukqúnúñ-----	81
• Guudqá dííñu -----	82
• Almízán alú dqííñā -----	84
• Shímbíríñā -----	91
3.3 Gíñ shákqallá ma alé thóthohíñgalá huqí -----	94
• Gugudqíñā -----	95
• Shepqena u guudqa -----	96
• Aqílí gagíñugalá -----	97
3.3.1 Gíñ illá ma alé náfagalé tha alqídda	
Shapqutha u hu ashuríñā -----	100
3.4 Aguzua thá shá shapquthá almusíkqóle	
(Alhíssa 14)-----	103
3.4.1 Gugudqíñā tha almuusíkqale -----	108
3.4.2 Kaaraba tha almusí kqale -----	110
3.4.3 Dííñí alú guudqa tha almusíkqa -----	112
3.4.4 Aguzua tha almusíkqale -----	116

## Hánduñíndu

Algíráyá Estetíksu u mbá busqíkqe íqabíbídíñuó náfaqí míllañ sha áné ab-adqíñá busqíkqe qí u áné ádqañthíñá añ gundí maadá famílu

Alkítáábálé ma jahazá tha alkjanúná almadaraso mbá tqokqolo u máíyu algíráyaasuuró, mbá almusíkqó u mbá busqíkqe íqabíbídíñuó.

Algíráyáléyú sha álé ágarraña kútur kútur shílhíñí u shól geedíé gundí. Shambále maane álu límma pqíshí shá gundí maada u pqaaduqígú ma ñalúmáre.

Alkítáábálé mbá shulíndu árbaqa mmaané u ma jahaza shambá hulune tha alqumúrá geedúle u thá aña marele, ma thapqalé thá gíñ gíí máábá ágarrañile áwassalíñ geedí alhádáfá fédqílá tha alú. Ma jahaza ma alkítáábá máábá ágarrañí u ma alkítáábá ágarrañ la thañ Aleshan shúgó walá sholuyu ma álé nafale than.

Alkítáábá estetíksu u mbá busqíkqe íqabíbídíñuó ma jahazá thá gíñ gíí géédíle mbá gúdiga mare u sha maíyu ashúkqulá madí mbá abdqíñ al-gúdúrá geedúqí asaqá ágarrañne máábá ágarrañí u mbá gárrane géédí mare pqaadugá ma pqíshí Alkítáábálé ma jahaza ma huluqí thá sílebasle u tha alhádáfá sílebasulé u ma gássamá tha akqusqo taláta.

Mbálegú 1. Añáñkqa

2. Assáháñkqa

3. Busqíkqe alú

Akqusqólégú kqíllíñ ágarrañlá tha alhíssa 180. Má álé ágarrañ máábá ágarrañí áthíkqíñ geedí añ gundí maada algúdura u atqábáqá pqíishí.

4. Ádqañthíñá algúdúrá máre mbá apqaaduo u mbá álgíhtíramú

## Akqusqo dqukqúnúñ

### Añáñkqa (Alhíssa 50)

### Alhádáfá ákqusqolé

Geedí míñ mbá kqódí náré akqusqolé, gádarígú märé:

1. Maada gíñ gídí aruh mbá holí tha alqíkqlímá mareyú na alon, na zízí u na ímumulíñua (ímulíñua)
2. Ádqañthíñá algúdúrá mare mbá gíñ tqó kqolo gígí
3. Maada gíñ dqíñgala alqáda alú u gíné alqadó ólú

#### 1. 1 Gíñbuushú ñeero (Alhíssa 1)

##### Alhádaf

Geedí míñ mbá kqódímáré addársálé märé kqééra gíñ gídí arúh hu mbá holí tha alqíkqlímá máreyú

##### Shambá ágarrañla addarsálé

-Álá dqokqotha geedí mare kqééra gíñbuushú ñeero hu mbá holí thá ñeerayú.

-Álá daa geedíé ashú kqúlá alu u mbá alu buuró máre kqééra gíñbuushú ñeero hu u máre ádqafaru thá booloyú märé, tha ashákílá mare u tha alóná mare.

-Álá daa geedíé ashúkqúlá thaayu märé fágado gíñ kqééró mare hu ma pqíshí.

-Álá áshakqalthíñá geedí modélí gíñbúúshú kqééró mare hu märé shákqala thá sqakga, märé sáwara u märé dqúúle tha alóná shabahauné than.

## **Gíñ pqadí addársálé**

- Galam rasás
- alwárga
- alón (albúúhía)

## **Iqabara u íyú pqeera**

Álá ákada ma geedí gádarígú maré kqééra gíñ gídí arúh hugú mbá holí tha alqíkqlímá máreyú.

Álá ákada ma geedí gádarí mare kqééra gíñbuusgú ñeeró hu mbá holí-gú tha alqíkqlímá máreyú.



Gíñbuushú ñeero gúdígú thá ñeerayú thá sqísqía alú thá duudu alú tha azururuyú u thá báárayú thíñthíñá máre shíñ duudu, sqísqía are u sqísqía fílí mbá thíkqí máré thá ñeerayú mmaané. Mbá kqól uqúñgú shíñ gíñbuushú thíkqí máré thá ñeerayú ñínéñ kqól mare. Gíñ buushú ñeero holígú mbá durra maabí.

Gíñbuushú ñeero pqarí alqádú máre aregú thá bíidqa, thá laaña, tha shuukqa thá búluñ u thá añá máré shabbaha.

Másal :- Boríd, pqero mugu u shíñírá ñeero Gíñbuushú ñeerólegú dqafaruqí tha alóná máré u tha atqabaqá máré múngúnuñgú íthígí maabíqí u muñgúnuñgú shíñ thúlí maabí alú gíñbuushú ñeero holígú mbá adígá máábí maré shúúsho thá hánduñéqí u máré seqíña.

Gíñbuushú ñeero aleshan tha alkqábayu ñínéñ gúdí mare álá dqíñagá alkqáábá máre alú. Alkqába ma dááralá alú u ma kqíírlá alú gíñbuushú ñeero thúlígú Gíñbuushú ñeero ma hole áthíkqíñ adáár fuudá thá maabí zúúrane.

Alkqába alú kqíira walá gíñbuushú ñeero bás ñíneñ gágíñné alú lakín hárabí alháwá adaarú. Rothále walá gíñbuushú bás ñínéñ dúrrané lakín durra maabí míllañ Ale shañ shúgo ámáábí kqíllíñ dqííñá gíñbúsí alú alú.



Assúra 1.1. Gíñ buushú ñeero

## Unit 1

### 1.1 Bridging Activity

#### Word Bank

Deforestation – Sqisqía alú kqiira

Conservation – Lithamthám tha albál

climate change – Alháwáqi kqayara (íithothóh)

carnivore – Giñbuushú kqólí uqúñ

wild animal – Gíñbuushu ñeero

**Fill in the blank:**

1. Animals that live in the forest are called \_\_\_\_\_ [wild animals]
2. Cutting trees and burning the forest are causes of \_\_\_\_\_ [deforestation]
3. One of the outcomes/results of deforestation is \_\_\_\_\_ [climate change]
4. A lion is an animal which eats only meat. It is called a \_\_\_\_\_ [carnivore]
5. \_\_\_\_\_ includes not cutting the trees in the forest. [conservation]

## **1.2 Shakqala ma shabbahuqí (Alhíssa 7)**

\* Mísqué shoorú

\* Booríd /pqero

### **Thoñoríndú á garrañlá tháñ**

- Álá daa geedié ashúkqúla alu mbá alú buuró máré kqééra gíñbuushú ñeero hu tha alóná máré, tha zízí máré u thá booloyu máré
- Álá daa geedié ashúkqúlá thaayu máré fágado gíñbuushú kqééró máré hu ma pqíshí.

-Álá áshakqathíña geedí modélí gíñbuushú kquééró mare hu thá sqakqa, mare sáwara u mare dqúúle tha alóná shábbahane.

-Alá ágííthíña geedí booloyú gíñbúúshú ñeero u shamba záá mare.

-Alá kqala geedíé mare ásqara gíñ shákqaló máráhu.


-Gíñ shákqaló géédí álá kqala márthé mare ázala mbá pqííshí.

-Mbá ázálá mare álá tháma añá madíné.

### **Gíñ pqadí addarsálé**

- Irsásí (kalam rasás)
- Alwárqa
- Albúúhía
- Alfúrshá albuuhíó

1. Mísqeshoorú: Tha adáárañkqayú mísqé shoorú holígú míllañ. Alóna mare dqafaruqí tha aíínsámáre gídí alóná sqawarígú míllañ. Mísqé shoorú thíñ sqísqía aregú. Holígú fish mbá kqól uqúñ. Máré buura ñeera alú máré gía dúúlé sqawarí tháñ tha sqísqía ala, thá bulíndu, thá shéékqe alú u tha azoola busqíkqe mísqé shoorú ól húhúlugú u badígú tha alháwayú thá búá álú máre.



Assúra 1.2 mísqé shoorú

## 1.2 .2 Bridging Activity

### Word Bank

- Herbivore – Gíñbuushú thîñi ñeera
- Omnivore – Gíñbuushú kqóli uqúñ u mbá thiññi ñeera
- Model - Almodél

1. Each student will show their model of an animal to the class and say the following phrase, filling in the blank as appropriate:

“I have made a model of a \_\_\_\_\_ [carnivore, herbivore, omnivore]

### Alqáda u gíné alqadó (Alhíssa 4)

- Haara

- Hohóz

### Alhádaf

Geedí ma kqóda addársalé gádarígú mare

-Kqééra alqáyná alqíris u hu mbá holí tha alqíqlímá máreyú.

-Iíla aqíilí u hoházá álqadó

### Thoñoríndú ágarrañlá than

- Álá ákqerthíña geedí alqádábá albooshó hu

Masal :- Álá árothíña gíngú gíila ma albóósha íthígé tha adará máreyú

- Álá kqala geedíé mare állama hoházá álqadó u máré mädíñe tha alfásílú Álá geera geedí madíne hohoz ma pqíshí álá áhozíñagú tha alfásílú.

## Gíñ pqadí addársálé

- \* Oorí
- \* Gíñ sqawaró
- \* Assúra
- \* Almussá jel

### Alqáda u gíné alqadó

Gíñ kqalgalá sha alqáda gíñ gígíñ máábí míñ gábul u mbá mazuo márégí tháñ ñineñ mmaane. Alqáda dámí shambá rothíla, shambá hadqula shambá rábbalá geedí, shambá thíñla, shambá gídíla alhakúma u shambá mádíñla addíní ma dqukqunúñ.

Ma hatháñ kqála shúgó Itíopqía gídí alqádá kqedqe mbá ádqafaru ñiné míñ adáárañgúnuñ. Hohóza kqedqe mbá alqadó, gíñ hozíla tháñ, ñíísha, gíñ sqawaro gídínegú mbá dqafaruqí míllañ

Míñ gíñ íllágú almúñgula, gorosh, adalo u dqañí míllañ. náñ kqalgalá shagíné álqadó ? Gíñ kqalgalá sha gíné alqadó gíñ shákqalá máábí gábulu tha shímbílá ma halaga thíkqá mare mbá pqúlíñ alqádaqí, attaríhí, u atqabí famíluqí u mbá ádqafarlá aqolí pqueríñíeqí mmaané.

**Másal** : Gíñ shákqálá máábí gábul u mbá dqafara máré alugú míthíl

- **Mbá alharbú** : themer, hangír, bandír, albúntuk -----
- **Mbá almusíkqó** : Anóba, waaza, bolo, nagára, arabába - - -
- **Mbá busqíkqe íqabíbídíñuo**: gorosh, almúngula, murthá akarabíña, adalo - - -
- **Mbá ma kataba**: Gíñ ma katabá thá bele are, assúra - - -
- **Ñíísha**: ajalabía , almarkúb, attób - - - -
- **Alqíddá shulú**: algáda, abadqí, íísqú, afíóñkqo - - -

Gíne alqadó alíshan shákqálá máábí míñ tha aluyu, tha azámáná dqafaruqíyu u thá aña dqafaruqíyu alqaíná maré shíñ dqafaruqí shambálo. Alíshan shúgo ñínéñ walá kqalgala gíne alqadó sha mbá máába dqukunúñ walla mbá máábí ázzáman kqíllíñ mma mare.

Gíñ kqalgalá sha gíne lé gíñ ma halagagú mbá zíí kútur míthíl báárá azoo-la, sqakqá zíí kútur, bulí u aña gúdí gíñbúúshu.

Adááráñkqa Itíopqía maíyu alkqomíá hór añ míllañ. Maíyu gíne almusíkqo mbá hórí añ, Áyu alkqomía gídí haara mbá pqúlíñne añ pqííshe tháñ, añ shunañgañí tháñ, ashatqááraqí tháñ u pqíshua tháñ. Alá pqúlíña geedíe gíne almusuíkqo mbá beelá u mbá fúllá thá shoora.

### Másal

Tha alqíkqlímá Beníshangúl Gumuzú gíne almusíkqo holí mbá beela, mbá shooró u mbá dííñu.

: Álá pqúlíña geedíe gíne almusíkqó mbágú holí tha alqíkqlímú máré maada.

- Álá pqúlíña geedíe gíne almusíkqó mbá beelá (shápqúthílā) u mbá shooró na gíñ ma máré tháñ shakqalá u shambá nafaláne tháñ.
- Álá ádamthíñ geedí gíne almusíkqó tha almádarasúé u gíñgú gíiláné tháñ u maré pqúlíñe shambá gíiláne.

### Gíne alqadó alú dqííñá

Álá pqulíña gíne álqadóqí nagíñ dqííngaláne alú u walá ma dqííñálá alú na gíñ gííné.

Gíné alqádó pqulíñ assakqáfa, alqáda, alqíímán u gugúdá famílu tha azzámáná dqafaréyú. Ashan shúgo gíné alqadólégú fédqí alú dqíñna shá álé bakqa maabí pqueríñié walá ma harábí. Attaríhá ádaaru bakqa rothílánne tha ndu bás íllá álá mágíñe thá gíne alqádo. Ashan assakqáfá adaru walá thá shímbíl, thá gugúd u tha ateknolóngí bás ñínéñ mágínlánne ílla thá gíné alqadó físh.

Ashan shúgo gíne álqadó alú dqíñna u íthamthám tha albál kqabílā maabí kqí llíñ thí gíné álqadó pqulíñ maabí pqueríñóé alqáda, añgundí maada u atqabí máábí gábulu.

Gíne álqadó walá ma thamálé tha albál harábí, dqukqí ágorla u thohíqí Ashan shúgo álá maada gíné álqadó sha ma harábé u ma dqukqué sha walá gádargalá shá álé móóthá álá dqíñna alú ma pqíshí álá bakqá maabí pqueríñié ma pqíshí. Gíñ durra gíné álqadó gássamlá sha mbá gíí máába u mbá ma halagá añ hollóñoníñé.

1. Mín mbá ma halagá adáráñkqa Itíópqía gíida assakqáfá mamadíñ gúndí gíñ ámadíñá ñine gundí na gíne álqadó u mbá attaaríhú dqukqínégú thá gíñ ma halagá. Gíñ ma halagá mbá durra gíne alqádógú múñgúnúñ fírí hohór, bubaní, añbadqáñgañ, dqíshe - - - adí mílláñ.
2. Gíñ gíí máába mbá durra gíné alqadó agorthé, alú shímbíl u mbá shá shabbahanegú Gíñgú maíyu gíné alqadó míthíl almásgíd, alkanísa, (shúlíalkírsít qanú) shúlí álqadó ágorlagú anúfáqá alyomúeqí álágú shíbíla alú. Hasqú llágú físh tha adáráá thuthó éqí. Walá ma maabí dqíñna gíné álqadó alú maabí pqueríñiéqí walá maabí gádarí sha álé fágada adár u maabí shambá gúdá mare.

Añá máyu gíné alqadó tha alqíkqlímá Beníshangúlú zíqí thá alkítáábá shuíndu talatayú shá mare zañzaña álá pqúlíña márthé mbá holígu tha almu háfazayú.

Adááráñkqa Itíopqía gídí gíne álqadó mbá pqííshígú. Gíné alqadólégú fedqí áñ tháme tha albal ma pqíshí maabí pqueríñiéqí.

Gìné assúró, mbá almusíkqo u gíné alqadogú shá álé dqííña alú ámáábá ágarrañí u ágéédí gía gíñ holí thá bulue.

- Álá ágarraña geedí shambá dqínlá gíné alqadó alú.
- Álá ázama maabí madí gíné alqádo alú dqííña mare ágarraña geedí.
- Álá fárá geedí thá muzíemú u añá zíí gíné álqadó ála ágarrañogú
- Álá fárá geedí mare zúúrao almádárásá assúró, mbá almusíkqó u mbá bisqíkqe íqabíbídíñuo.
- Álá muusqa albarnámíí mbá zúúrala almádaras than mbá pqúlíñ gíné álqadóqí shambá dqínláne alú.
- Álá kqala geedíé máré kátaba gíné álqadó shamba dqínláne alú mbá maadó máréqí u máré pqúlíña ahapqúnáthé tha alfásílú.

Álá ábadqííña geedíqí mare maada shambá dqínlá gíné álgadó alú.

Gíné álqadó alfáídá daané adáreqí:

- Álá fárá geedí mare zúúrao almádárásá assúró, mbá almusíkqó u mbá bisqíkqe íqabíbídíñuo.
- Álá muusqa albarnámíí mbá zúúrala almádaras than mbá pqúlíñ gíné álqadóqí shambá dqínláne alú.

- Álá kqala geedié máré kátaba gíné álqadó shamba dqínláne alú mbá maadó márégí u máré pqúlíña ahapqúnáthé tha alfásílú.

Álá ábadqííña geedíqí mare maada shambá dqínlá gíné álgadó álú.

Gìné álqadó alfáídá daané adáreqí:

Gìné álqadó alfáídá daané adáreqí:

- \* Gúrí maabí zúúraqígú
- \* Thíkqílá fuuda tháñ
- \* Ámadíñ adáár gundí
- \* pqúlíñ adárí gíñ maané ma pqíshí

## 1.2.2 Bridging Activity

### Word Bank

- Culture - Alqáda
  - Heritage – Giñ máábí gábulu (gîné alqadó)
  - Art - Assúra
  - Weapons – Gîné alharbú
  - Shield – Hááhará pqarlá ber are tháñ

1. The teacher will ask the students, “What are some things that make up culture?” Students should answer with “\_\_\_\_\_ is a part of culture” [marriage, food, language, government structures, leadership, religion, values, cultural games etc.]

2. Ask volunteer students to stand up and show how people used a shield.

3. Ask students, “What are some different kinds of weapons?” Students should answer with, “A \_\_\_\_\_ is a kind of weapon” [gun, spear, sword, shield]”

4. The teacher will ask the students, “What are some things that make up heritage?” Students should answer with, “\_\_\_\_\_ is a part of heritage” [history, culture, decoration, values, experiences, customs, music, weapons, art, shields, literature, clothes etc.]

5. The teacher should ask the students, “What are some different kinds of art?”. Students should answer with, “\_\_\_\_\_ is a kind of art.” [literature, drawing, shield, models etc.]


1. Every nation in Benishangul-Gumuz has their own \_\_\_\_\_ and \_\_\_\_\_ that expresses their happiness or sadness. [music] [dance].

2. \_\_\_\_\_ improves someone’s skill in music and dance. [practice]


Match the instrument below with the kind of instrument it is. (pictures are currently in the textbook)




Percussion instrument



String instrument



Wind instrument



## Hohóz u haara

Alkqómía hamsa holígú tha alqíkqlímá Beníshangú/ Gúmuzú mbálégú. Barta, Gumúz, shínásha, Maaó u Hooma. Ma sher ma mbálégú. Amhara, orómó, Tígíre u Gurágé holígú fish mbá gudígú thá pqíshañgañ. Alkqomíalegú kqíllíñ gídí gíñ hozí mare míñ mbálegú mún̄gúnuñ bolo, waaza, nagára, bulúñ, dire, lúka, túro, kqomía, síngóba wumbú shólka u fefé.

Ámáábá ágarrañí squló maabá gíí gíné almusíkqó mbá beelá thá shoora áné ágarraña geedí shambá gílláne u shambá náfaláne tháñ. Álá kqala geedíé mare buuró gíne almusíkqó alú mare gárra. Áyú alkqomía gídí haara mbá pqúlínne pqíshañgañí thán. máré físh gíñ beelá thá shoo-ra, mbá shapquthílā u mbá dííñu apqíshíñ mare haará mare than mbálegú kqíllíñ mare náfaqí than tha gugaúdá mareyú.

Ágéédí haala haaráyu mbá hárlá asaqa ashukqulú máré shíñ állama. Álá sájala tha almusájal álá thama márthé tha alfásílú mare állame tháñ haará huluqí tha ashúkqullegú sha áné gúda maabí pqueríñeqí álá állama geedí mare maada. Álá buura haara alú tha almusájel u álá kátaba álá muusqe tha almádarasú

Álá geera haará huluqí tha ashúkqulle álá kqala geedíé mare háára ma álé hozí mare ahpqunaathé tha alfásílú tha abuura.

Albádálá hoshalí máreñé tháñ tha are máré hozá tha ahapa qúnaathále. Geedí alíshañ bakqá shól máré hoházá alqáda mare alá áhozíñá mare. Nafaqí físh Anúfaqá daane márthéí apqíshíñ maré aluyú u busqíkqeyú u állam mare ashataqáára. Áyu maaba shaané shóófaqí thá hoházá máré u thá haará kqedqe álá ágarraña ñine míñ ma ñine álé kqosqí. Álá ágarraña gadí ma pqíshí sha áné apqíshíñá ashúkqul.

## Azañzañá maabá ágarrañíeqí

Ñgó állama hohózá hozilá asaqá alqíídu tha adáárú

Ñgó pqúlá geedíe márre maada gíñ namu alkqomía tháñgú tha adáárú.

Ñgó athamthamíña geedí íle gíne almusíkqoé mbá holígú tha adáárú

márre maada shambá beeline u ñgó dqokqotha maré.

Ñgó daa geedíe hohózá ma sajelá tha almusájelú mare thamagá íle u

mare fágada na gíñ beegaláne márre roothu thaalú. Ñgó pqúlá geedí

kqíllíñeqí shá márre hoza shin. Ñgó físh pqulá geedíe shá márre dqííña

hohózá alqadó alú maabí pqueríñíeqí.

### 1.2.3 Gíné almusíkqó (Alhíssa 4)

#### Alhádafá addarsalé

Ma geedí kqóda addársale gádarígú márre hozá tha gíñ beegalanele.

#### Shambá ágarrañlá

Álá áqalamíña geedí gíñ beelá hohózé míthíl nagára, bolo, asquesqeh,  
búluñ tha abuura.

Gíñ államó mareqí tháñ tha abuurá márre madíña ahapqunáthe tha  
alfásílú.

Asaqá állam géédíqí alíshan hasqúlí azzamán álá kqala márthé márre  
államé tháñ tha mare u márre hozá thá gíñ beega lánele.


#### Gíñ ágarrañla tháñ

- Nagára
- Atqurúmba
- Asquesqeh
- Arabába
- Búluñ
- Gíné almusíkqó mbá thíkqu tha adáárú

## Gíné almusíkqo

Maabí gúdígú tha alqíkqlímáñkqayú gídí gíné almusíkqó mbá pqúlín máré pqíshañgañí tháñ u attáqabí than. Gíñ abadqí hohóz alú holígú mbá beelá, mbá shooró u mbá dííñu maálé nafaga maréqí thá gíné almusíkqolé máré pqulín pqíshágañí u attáqabí muñgú núñgú

- Mbáshooró: waaza, bolo, buluñ, kqomía - - - - adí mílañ.
- Mbá beelá: nagára, tanbúr, dubuk - - - - adí mílañ



Assúra 1.3 gíne almusíkqó mbá alqadó

## Ashúkqul ma shabbahuqí (alhíssa 7)

### Alhádáfá addarsale :

Mín mbá kqodí géédí addársale gádarígú máré sáwara gíné almusíkqó u ñíísha alqadó

### Shambá ágarrañlá

- Álá kqala geedíe máré rásamo gíñ maadó máréqí tha albóóshayú
- Álá kqala geedíe máré mádíña ahapqúnathé gíñ rásamó máré álá daagá márthe arraqí.

## **Gíñ pqadí addars**

\* Irsásgú

\* Alwárga

\* Allon (albúúhía)

\* Gíñ dqúllá albúúhía than

\* Gíñ holí tha adáárú mbá gíílá kolágí tháñ

### **Shakqala (Alhíssa 4)**

Álá kqala geedíé mare buura gíñ shákqallane tháñgú.

Álá kqala geedíé máré roothuqí shambá rásamlá

### **Dqokqothá daalá**

Sha ñíne rásamla ?

Gíñ shá kqallá kolájí, tháñ sha ñíne burláne alú ?

### **Iqabara u íyú pqeera**

Álá ákkada ma geedí gádar rasamá

Álá ákada ma geedí dám gíñ rásamo máré ma pqíshí.

### **Shakqala 2 (Alhíssa 3)**

Gíñ shákqáló géédí náfar náfar wálla tha abuurá álá tháma añá pqíshí áñ.

Álá áshakqalthíña geedí gíñ tqokqoló tha alú mare.

### **Annúkqtqá ábadqíñle**

Assúragú rásámoo géédí míñ mbá kqodá máréné ma gadaruoqí tháma  
añá madíláne.

### **Alú límma**

Gíñ shákqaloo géédí míñ mbá kqodí máréné álá geera márthéqí  
ápqíshíñ márthé añ míllañ. Ma pqíishágá áñgú alíshan áshakqalíñ mare  
álá ábadqíñegú.

## 1.2.4 Aqílí alqadó (Alhíssa 7)

### Alhádáfá addarsalé

Mín mbá kqodí géédí addársálé gádarígú máré

Ííla aqílí alqadó

#### Shambá ágarrañla

- Álá dqokgotha geedí shambá íllá aqílí alqadó u máré ííla.
- Álá hoshala tháñ ma ílí máré shambá zíiné tha alkqanúná kqedqeyú
- Álá daagá azzaman mbá állam márégí tháñ shá máré háára ma huluqí thá hohózle.
- Gíñ góo géédí tha alú buura na hohóz u haara álá ázala mbá pqíshí mbá gorí.

#### Gíñ pqadí addárs

\* Asqueskeh

\* Nagára

\* Almusájel

\* Alafé

\* Gíñ thíkqu tha adáárú mbá hozíla tháñ

Mañga: Gíñ kqalgalá sha mañga aqílí mbá ílí maab dqañondí u géédí wálla hohózá mbá ílí máré ma máré gooró ahapqúnathagu tha aqílýú mmaané Aqílilé mbá íliga máréné apqishíñ márthé añ míllañ. Tha adáárañkqayú hohózá mangó hórí añ míllañ. Maabá ágarrañí kqala geedié máré kátabo mañgá madí máré u mare hozá tha alfásílú.

Másal: Búlá gááló búlá gáálo

Ho

Búlá gáálo

Añthamañ búla kqedo

Másal 2 : ñgó bulé

Galí mbá búla hoodqó

Ñgó bulé

Galí mbá búla hoodqó


Búlalá daganzá

Sha galí búla hoodqo

Murthá akarabíña (Ahíssa 3)

Alhádáfá addarsálé :

Mín mbá kqódí géédí addársalé gádarígú máré ííla aqílí alqádo



## Murthá akarabíña (Ahíssa 3)

### Alhádáfá addarsálé :

Mín mbá kqódí géédí addársalé gádarígú máré ííla aqílí alqádo

### Shambá ágarrañlá

- Álá áqílhíña geedí aqílí ílí máábí dquoñondí mbá alqadó másal: Aqílí murtho. Mbálé gíñ fedqígaláné basqaro, atqagía u oorí ñíshígaláne máré ñííshagane u mare ííla.
- Álá áqílhíña geedí aqílí murtho. Másal álá gía gadí máñ ma mbá gagí u mánañ shín ma mbá gagíla. Gadí gagíla áné dama alkúra or u áné áhía basqaro ñine thá kqoloyúe á áhapqunááthá shíñ gagá ma álé káárabí. Maabí gágínlá mín mbá thíkqíláne gundí álá shapqútha tha alkúra u ála áshehere mín tha aqílýú.

### Gíñ pqadí addárs

#### Murthá akarabíña

Maabá kqalgalá sha gádarí áné ákaarabíña murthá maabá gádarí áné há murthá gundí kquluñ, mbá ma ndú alazá u mbá ma shídda. Maabá kqallá sha gádarí áné ákarabíña murthá ma pqíshí, maabá gádarí áné há murthá gundí walá ma ñine dám gíñmáñ ílla alkurbájí u ané buthó lé thá murthá bíshí u áné físh mathá murthá thá gundíe walá ma ñine sqíkqí.

Alqádú záoqí mín thuutha shá máré shapqutha Itíopqíá gíñ móótha-láné alú tháñgú murthá akarabíña mmaane. Murthá akarabíña állam maabí ber shuukqa, ber are pqaara, guudqa, shambá badílá alqáduqí u ábadqíñ busqíkqe qí. Murthá akarabíña yom alqáduqí u ábadqíñ busqíkqe qí.

Murthá akarabíña yom alqíd ñínéñ gíllaáne míllañ tha adáárañkqayú. Alháwá dqaashí ñínéñ náfa thé murthále. Másal tha alqíkqlímáñkqayú alháwá thé wambéra ashan nafa murthéqí murthá hórí añ holígú thítí. Añíngúnúñ shíñ shin shíñírí u albákqal ñínéñ holí.

### **Thá shapqthá almusíkqóle (Alhíssa 4)**

#### **Alhádáfá addarsalé :**

Mín mbá kqódí géédí addársalé gádarígú mare íila thé sha pquthá al-musíkqóle sáwa.

#### **Shambá ágarrañlá**

Álá kqala geedié máré shapqútha ma zíqí míthíl shambá adí mürtha ma mare álé mulíñí.

#### **Gíñ pqadí addársale**

\* Asqesale

\* Nagra

\* alafé

#### **Ashúkqul 1 (Alhíssa 2)**

- Álá kqala geedié máré kqééra gíñ madí máré hu mbá huluqí thé murthále.
- Álá daa geedié thoñor mare daa alhábárá madí mare.

#### **Dqokqothagú daa thoñor**

- Murthá míñ gíñbuushú thaayu andí mbá shábbahane?
- Murthá há álá gundía ?
- Murthá shañíne shapqénné ?

## Iqabara u íyú pqeera

- Álá ákada ma geedí kqérí gíñbuushú thaayu hu mbá shábbaha murthá.
- Álá ákada ma geedí gádarígú máré shàkqala shambá adí mürtha tha abuura.

## Ashúkqul 2 (Alhíssa 2)

Álá ashapquthíña geedí gíné almusíqo ma huluqí tha shapqená murthole u máré állama

## Dqokqothágú daa thoñor

Shapquthá zíqí shañíne gíila ?

Shañíne államlá ímulíña tha alú u tha abuura ?

## Iqabara u íyú pqeera

Álá ákada ímumulíñá gíí géédí tha abuura.

Álá ákada ímumulíñá almusíkqó gíí géédí tha alú mare.

## Shakqala ma shabbahuqí (Alhíssa 7)

**Alhádáfá addarsale :** Mín mbá kqódí géédí addársalé gádarígú máré gía shambá ásheerulá murthá máré wara.

## Shambá ágarrañlá

- Álá kqala geedíe máré shákqala ma shábbaha murthá asheerua. Álá pqúlá márthe gíñ shákqal máréné tháñ míthíl írsásí, albúúhía, kqílkqísho - - - -adí mílañ.
- Gíñ shákqaló géédí tha alú maré, máré madíñé tha alfásílú álá daagá araqí.

Mbá ma shakqala ma pqíshí álá tháma añá madíné

- Álá abadqíña geedíqí máré ámana thá booló máré

### **Ashúkqul 1 (Alhíssa 4)**

- Álá aburthíña geedí alqíddá nafa máré ashú kqúlé alú.
- Álá arothu grrdíqí máé rootha shambá shakqal máréné.

### **Dqokothágú daa thoñor**

- Shañíne shákqallá kolají ?
- Shañíne shákqallá mozaík ?
- Mozaík u kolají mbá gíllá thá zure u thá rabíthí shañíne dqafaru máré

### **Iqabara uíyú pqeera**

- Álá ákada ma geedí burí gíñ gúdí alú máré shákqala kolají tháñ u mozaík tháñ ma pqíshí.
- Álá ákada ma geedí fudqí gíñ shákqaló máré añá madíne ma pqíshí.

### **Ashú kqul 2 (Alhíssa 3)**

- Gíñ shákqal géédí tha alú máré álá mädíñe
- Álá buura array alú gíñ shákqaló máreyeqí na pqíísha u na shuuná kqedqe.
- Alfaídaá gíñ shákqaló géédí máré madíñe thá shooréqí ?

### **Dqokqothá daa thoñor**

Ashúkqulá shákqallá míñ tha aluyú shañíne zííné ?

### **Annukqtqa thámle tha albál**

Geedí gíñ shákqaló máré ma geerálá mártheqí aba dqíñ maréqí máré shákqala ma pqíshí.

## Alú límma

Geedí gíñ maadó márégí, mbá haaló máréyú shá máré shíñ shákqala ma shabbahuqí ábadqíñ mareqí u daa márthe alhímía ashukqúléqí. Ma geedí abadqííñálé apqíshíñ ashúkqulgú. Ashán shugo gíñ shákqal géédí alá ápqíshíña martheqí.

## Gíne alqadó mbá góába u mbá ma halagá shakqala ma shabbahuqí (Alhíssa 6)

### Alhádafá addarsalé

Mín mbá kqodí géédí addársale gádarígú máré maada shambá shákqallá gíné alqadó mbá ma halagá u mbá góába ma shabbahuqí u máré maada shambá dqíñ marene alú.

### Shambá ágarrañlá

- Álá fárá geedí máré zúúrao gíné alqadogú mbá ma halagá u mbá góába mbá holígú thá shúlí aguruyú thá shulí addínúyu, azoola, bulí, báára - - - adí míllañ.
- Gíñ maadó márégí máré ázala dqukkúnúñ máré shákqala ma shabbahuqí.
- Assúrá shákqaló máré álá tháma añá madíné

### Gíné alqadó

Iqabara u íyú pqeera : Álá akáda ma geedí zúúraoma pqíshí

Gíñ maadó géédíqí álá tháma añá íthígíne u álá tááb

Gíne alqadó pqulíñ adáárí na gíñ maané u pqulíñ ataríhí, alqádaqí u atqabíqí u gíñ holí tha adáárú mbágú sqawarí míthíl gíñ shákqálá máábí gábulu mbá dqafaré

- Mbà alharbú: ber, themer, albúntuk, almusásadas - - - adí míláñ.
- Mbá hohozú: nagára, bolo, waaza - - - adí míllañ
- Mbá busqíkqe íqabíbídíñuo: gorosh, almúngula --- adímílañ
- Gíñgú náfale tháñ tháñtháñ míthíl íñish, gáy, asharakqarakq - - -
   
Gíné alqadó holígú mbá thóhíle u mbá gudígú añ dqukqunúñ

Gíne alqadogú kqíllíñ gídí attaríhgú u sqawarígú

## **Akqusqo dqukqúnuñ**

### **Añáñkqa**

#### **Iígeera 1**

**Móthathá dqokqothá holígú thá bulúe sha “asse” wálla “busqáñ”**

1. Gíñbuushú ñerogú kqíllíñ gudígú thá sqísqía alú.
2. Alqáda alwúrsá adí mí aqolímáñ aqolímañeqí mmaané.
3. Gíné alqadó ma dqíñala alú u walá ma dqíñálá alú walá harábígú.
4. Maaba gídí haará pqúlíñné pqíshañgañí tháñ u attaqabí tháñ.

#### **Iígeera 2**

### **Áhorathá añiyúlegú**

1. Mín mísqé shoorú mbá gíllá ma alqaláámá assalamu \_\_\_\_\_ mmaané.
2. Bolo gíné alqadó mbá \_\_\_\_\_ mmaané.
3. Arabába, gítár u masínkqo mbà \_\_\_\_\_ mmaa máré

### Iígeera 3

Roothágú holí thà “A” hu áhuluthé thá roothá holí le thá “E” hu

A

E

- |                      |                              |
|----------------------|------------------------------|
| 1. Boríd             | A/ gíne almusíqó mbá shooró  |
| 2. Asqueskeh, nagára | Bí/ Gíñbuushú kqólí uqúñ     |
| 3. Mañga, gorosh     | Cí/ Gíné almusíkqó           |
| 4 Bolo               | D/ aqílí alqadó              |
|                      | Eí/ Gíné almusíkqó mbá beelá |
|                      | Fí/ gíñbuushú thíñ ñeera     |

### Iígeera 4

Ázalathá moothá ma assé háthú lííkqathá alú

Alkqomía holígú thá alqíkqlímá Beníshangúl Gúmuz kámmu ma mare?

A/ 4      Bí/ 3      Dí/ 5      E/1

Andí mbá ma booloyú ma halaga ? A/ mbá ndímíílu   Bí/ mbá mísqo  
Dí/ mbá almusíkqó E/ “A” u “B”

Andí mbá ma gíné almusíkqó mbá beelá? A/ nagára   Bí/ bolo  
Dí/ arabába      E/ kqíllíñ

Andí mbá dqúkquthíñ gíné alqadó ?  
A/ agorthé      Bí/ Hasqula tha ashídda      Dí/ kqíllíñ      E/ wala zíqí

Bolo gíné almusíkqó mbá zíqí shañíne maanc ?  
A/ mbá dííñu      Bí/ mbá beelá      Dí/ mbá shoorú      E/ kqíllíñ

### Iígeera (5)

Móthathá dqokqotha holí thá bulúe ma dqúgurí

1. Gíñ ma halagá mbá dúrra gíné alqadó squlátha hu holloñoníñ
2. kqéérathá gíñbuushú ñeero hu mbá thíñ ñeera
3. Gíñbuushú ñeero mbá gádargalá sha álé seqíña kqéérathá hu.
4. Gíné alqadó mbá ma halagá squlátha hu holloñoníñ.

## 1.2.4 Bridging Activity

### Word Bank

- cultural games – Aqilí alqadó
- rhythm – Shapqutha
- manmade – Gíñmagiigí thaqáábá
- Natural – Gíñmahalagá

Ask students to name some different cultural games that they have played. Students should answer with, “\_\_\_\_\_ is a cultural game.” [list of cultural games]

a. Tell the students to move in time with some music. As they are moving in rhythm, the students should say outloud, “I’m moving in rhythm!”

Tell the students to move out of time with the music. As they are moving out of rhythm, the students should say outloud, “I’m moving out of rhythm!”

Students should match the pictures to the word manmade or natural:

A) Manmade [drum, palace]

B) Natural [trees, waterfall]



tree



drum



palace

## **Akqusqo dqukqúnuñ Moothá íígeeró**

### **Iígeera(1) Assé wálla busqáñ**

1. Busqáñ
2. Assé
3. Busqáñ
4. Asse

### **Iígeera (2) Añá dqeñethíyu**

1. Alhamám
2. Mbá shooró
3. Mbá dííñu

### **Iígeera (3) Rothaqí ahulua**

1. Dì
2. A
3. E
4. F
5. Bí

### **Iígeera (4) Azala**

1. Dí
2. E
3. A
4. Dí
5. Dí

### **Iígeera (5) mothá dqugurí**

1. fírí huushí
2. añbadqáñgañ dqíshe, u bubaní
3. Mugu, dúash, oñó
4. Meshérgeñ, amare

## **2. Akqusqo Hollóñoníñ**

### **Assaháñkqá (Alhíssa 50)**

### **Alhádáfá ákqusqolé**

1. Mín mbá kqodí géédí akqusqóle gádarígú maré
2. Maada anufaqá annadafó thaayú u tha almádasasú.
3. Fágada shambá pqrí máré ñalú maré are míñ gíñ dúrraqí
4. Fágada ej. Aí. Fíedís shambá maruné
5. Ádqaañ thíña algúdúrá mare shá mare shákqala ma shabbahuqí

**Alhádáfá ákqusqolé na mbíló :** Baqad addársalé geedí gádarí maré

- Kqééra gíñ náfa mare hu shà máré dqííñá anadáfá álú máré alú
- Kqééra gíñ gíllá hu annadáféqí u máré shákqala ma madí
- Kqééra gínbúsqí álu hu na annúfáqá kqedqe ma faasqálá tha almádasasú.
- Ápqíshíña gíñ fasqígalá agoñgóríyú almadar asáyú thá gíñbusqí álú u maré madíñe thá haara.
- Áhátha shá maré sqawarthíña almádasasayú mare.
- Sáwara assùra u mare mädíñe

Kqééra badqíñ hu mbá maruqí.

Háára haará mädíñ ej aí fí/edísí shá badqíñgíña maruqí thá íhuluá níño thá ídéle mmaané.

Sáwara assúrá mädíñ edísí sha maruqí thá íhuluá níño tha ídéle mmaané.

Kqééra gíñ durra maabí hu

Gíñ dùrra maabí máré mádíñe thá haara, tha assùra u tha aguzua madí

Shákqala gínéñgúnúñgú thá gíñ holí tha adááru ma shabbahuqí.

### Shambá ágarrañlá

- Álá dqokqotha geedí mare kqééra thoñoríndú dqínlá annadáfá alu alú tháñ
- Thoñoríndú kqééró máréhu máré shá kqala ma shabbahuqí.
- Álá áharthíña geedí haará huluqí tha annadáfale ma álé guuzuga máré
- Geedí guzuó ma pqíshí álá kqala ahapqúnááthéqí máré bíagá tha bayú.
- Álá dqokqotha geedí máré pqúlíñä gíñ busqí áluqí shambá thámgaláne albál u shambá nafa mare.
- Álá kqala geedíe máré háára haará pqúlíñ agoñgóríyú almadarasóqí shambá asqáwarthíñne gíñbusqí álú

### Másal :

Áfaasqa sqísqía

Mbá sqawarthíñ almádarasa

- Añá kqallá sha pqíshí u sqawarí álá fárága geed ímáré zúúrao. Álá kqalagagú máré rootha gíñ maadó máréqí tha abuura u máré shákqalo thá máré.
- Álá áshakqalthíña geedí gíñ mádíñ sqísqía alú kqííraqí u shambá dùrrané maabí u álé mádínáagá márthé assúrá alfídío u gínéñgúnúñgú.

- Assùra ázalóó máré àlá thama añá madíne
- Álá dqokqotha geedí máré rootha édís shambá maruné thá lhuluá níño thá ídéle.
- Álà áharthíña geedí haará rothí ej.aí.fí/édís
- Gíñ ázalóó máré, maré sáwaro u mare roothuqí tha alú tha aha pqúnááthále.
- Álá áshakqalthíña geedí dírama (almasírahía) mágíñ ej.aí.fí/édísí
- Álá dqokqotha geedí mare kqééra gíñ dúrra maabí hu u shambá dúrra máré maabí.
- Álá kqala geedíé maré geera gíñ harabégú mbá holí thírí, asílká al-karabó mbá sqíñuoqí, atqúrmbá ma álu dííra shambá dúrrané maabí máré madíñe thá haara u tha assúra
- Álá mágíña geedíé gíñ ma shakqalá gubal mbále u álá pqúlá márthe shambá shákqalláne thá gíñ holí tha addáárú.
- Álá madíña geedíé shambá shákqallá gínégú thá thañ abaró, thá kqílkqíshó, thá gaagú, thá duudu u thá aqakqa.
- Álá kqala geedíé máré shá kqala gíné almusíkqó thá gíñ ma álu faasqá mbá walá náfaqí shambá madóó máréné ma álé shákqal máré álá kqalagágú máré tháma albál.
- Gíñ buuróó máré alú álá kqala márthé máré shákqala kolají, mazaík, assura ugíñ fedqí máré u máré dqúule.
- Mín mbaló álá áshakqalthíña díramágú máré mágíñe.

## Gíñ pqadí addárs

- |               |                     |
|---------------|---------------------|
| - Assúra      | - alwárga           |
| - galam rasas | - añgeresh (ajeres) |
| - Kqílkqíshó  | - murthá abaro      |
| - alfúrsha    | - gaagú             |
|               | - duudu             |

### Unit 2

Healthy -Gídialqáfía

When someone is not sick, he is \_\_\_\_\_ [healthy]

## Assahañkqa

### Assáha alú dqíñia (Alhíssa 1)

#### 2.1 Annadáfá alu

Alhádafá addarsale : Mín mbá kqódí géédí addáralé gádarígú maré  
kquééra gíñ nafaqí hu assáha alú dqíñéqí.

#### Shambá ágarrañlá

Álá dqokqotha geedí maré kquééra thoñoríndí dqíñla assáha alú tháñ  
Gíñ kquééróó máré hu maré shákqala ma shabbahuqí thá gíñ fédqí máré

#### Assáha alú dqíñia

Addársá assaha alú dqíñio gíñ hoshalné tháñ albarnámájá assaha alú  
dqíñio mmaané. Alíshan shugo addársá assahó gíñ tímmala albarnámájá  
assaha alú dqíñio mmaané.

Addársá assahó ágarrañ maabí shambá dqínlá assáha alú u shambá pqarlá badqíngíñ are u shambá gíla ma maabí badqe. Alíshan shúgo addársa assaho gíñ thámné tha albál añ gundí maadá famílu, u maré gíida atqabí pqíshí. Maabí ma bakqa alqáda assahó ma madí máré u ma shólí

máré dúrra assáha máregú tha alqíimán u tha alqádá shúúní lufí thá Maabí shá máré gíida assaha lázím máré gíida atqabí pqíshí mbá assahó u máré bakqa atqabí shúúní mbá hasqúlí badqíngíñ mbáleqí addársá assahó náfaqí míllañ.

Addársá assahó walá mbá daalá tha azzáman dqukunuñú u ané shuríña hu mmaané. Walá fish daalá maabí áñ dqúkqnuñeqí bás. Addársá assahó daalá maabí dñoñodíé, mìhié, maabí fáaleyé, maabí badqíe u maabí gídí assahéqí tha attáqábá assahóle mbá zíqí tha adáárú u walá ma múlín alqádá famíluqí.

Addársá assahó ma hoshaláña tháñ dqáñí gúndí u sholuyu míllañ. Gíñ ádqaníthíñne gundí u mbá ásholuneyú alíshan daalá ma huluqí tha atqabaqa famílule. Gínéñgúnuñ holígú mbá múlín assáhaqí.

**Másal** : Añá gúdíña. Tha mbáleyú gíñ gíí máábá ágarrañ assáhá, áné fágadá gíñ dúrra assáha tha adááru áné fágadá maabíé máré áshehere.

Alhádáfá addársá assahó, álá ádqaníthíña añ gundí maadá famílu mbá assahó u máre thóóha atqabí mareqí mbá pqíshíeqí. Maabí bakqá kqassabílané ílla álá ágarrañagú u álá ábadqíñegú shá mare sháráraka tha ashúkqúlá assahoyú Addársá assahó walá álá pqule na alhádafá kqedqe ílla alá pqaada maabí máré nafaqí thá gíné assahó ma pqíshí.

Attáqabá assahó holígú mbá adí tha adááríyu haraba u thá sqísqía alú kqííra. Addársá assahó ágarrañ maabí shá mare maada gíñ ma halagá u mbá gó máába mbá dúrra assáha u máre maada shambá pqarláne aregú. Thá thoñoríndú máñ assáha huluqí thá shímbílá gídí máábíle maabí ma sharga shímbílgú dúrra bádqíñgíñ.

Gugúda ma kqáálí maabí añ hohór hasqúlí attáqábá assahó. Addársá assahó tha mbáleyú ílí addor míllañ. Bakqí maabí máré roothuqí shambá fúthí máre attáqábá máré u maré góda gugúdá pqííshí.

Shá máábí máré fágada assáha ma pqíshí u shá máré gíída atqabí pqííshí mbá assahó fedqí álá ágarrañagú ma madqu gundí. Addársá daalá lázím áné huluqí thá gíñ dúrra assáhalé mbá holí tha adáárú. Addárs asaqá daaláne bakqá rothíláne tha ndú bás ílla álá gíídagá alhábar mbá huluqí thá roothá zíqíle álá pqúlá maabíe. Gíñ nafale tháñ kqíllíñ shaálé daa addárs thá gíñ huluqí tha attáqábá assahóle mbá zíí tha adáárú gíñ pqádí addársá assahó ñínéñ sqúlláne.

Gíñ ágarrañlá addársá assahó tháñ áné ma mbá thíkqu tha adaarú u mbá huluqí tha alqádá famílule u thá addárajá gúguda maréle. Thá mbáleyú gíñgú gádargalá sha álé ágarraña tháñ.

Bosterá ma jahazá tha alloná dqafaruqí.

Almusájel u ashíréttq

Alkítáábgú

Ajjaríídá holí tha adaarú

Gìn shákqallagú mbá mädíñle kqíllíñ.

## **Shambá dqíñlá annadáfá alu alú**

Gíñ dúrra assáhá famílu, gugúdá máre ma pqíshí u ma dqukqúnúñ u mbá hárabí aluyú mare ílla annadáfá alu u mbá adaarú walá ma dqíñálá alú mmaané. Atqálab alhás mbá fédqí máába gugúdégí míthíl alháwa, fírí u thíñthíñ sha bakqá harábíné álá dqíñna annadáfá adaarú alú, álá áshehere dídqáñgañí míñ tha addrú u alhasharáát álá thámaga albalgú gíñ ma assábab attáqabá assahóeqí sha álé áshehere fedqí addársa annadafó.

Gíñ kqalgalá sha annadáfá alú álá dáma thoñoríndú pqíshí mbá gídila gugúdá pqíshí tháñ mmaane. Mbále álá ásqara busqíkqe, or, shúlí u añá gúdila kqíllíñ Annadáfá alu alhádáfá kqedqe, á máába dqíñna bolo kqedqe alú míñ gíñ hasqúlí badqíñgíñ u áné gúda gugúdá pqíshí mmaane.

Annadáfá alú álé dqíñna alú lázím ámáábí kqíllíñ tháma albál. Á máába dqíñna boolá kqedqe alú míñ gíñ hasqúlí badqíñgíñ u áné gúda gugúdá pqíshí míllañ.

Alíshan shúgó gíñ kqalgalá sha annadáfá alu alú dqíñá á máába ásqara bolo kqedqe, orákqedqe, buushákqedqe u alganífákqedqe. Ashan shúgo áyú maaba ma dqíñna annadáfá kqedqe alú gádarí áné dqíñna assáha adaaru alú

### **Haara**

### **Gíida assáha**

Anadáfá adaaru u mbá alú

Nafa hatháñ sháñ dqíñna assáha alú

Áñ dama ma pqíshí na assáháñkqá

Sha áñ nafá adaarañkqa

Ma hatháñ ahathe addukqúsh tháñkqa  
Áñ gísqa thaba u areñkqa  
Áñ áhatha bushíyu u añ gua nduñkqa  
Áñ ásqaratha añáñkqa u almádarasáñkqa  
Áñ gúdatha ma pqíshí tha assáháñkqa

## Busqíkqe alú sháñíne damláne ma sqári ?

### A/ Thabá gígísq

Thabá walá ma gísqalá námbalo gíiné ?

Shañíné ásqarña tha báñkqa ?

Sháñ dama thabáñkqa ma sqarí námbalo gííñä ?

- Gubal áñ thíña u ma hatháñ thíñe áñ gísqa thaba thá fírí u tha asaabún.
- Ma hatháñ mula gínéñgúnuñí tháábá añ gísqa thabá thá fírí u tha assabún.
- Mááshúñqa asha mífí dídqáñgáñ áñ sqííñä alú.

### B/ Are gígísq

- Náñ gísqígalá are ?
- Maabá wálá gísqí are kulí yom námbalo madí ñine tha are ?
- Gíñ kqalgalá sha are gígísq álá gísqa are thá fírí sqarí, álá squa íleyu u amuñíyu thá oorá sqári mmaane.

## Dí/ hu gígísq

- Mbágííshú gubal áñ dírsha áñ gísqa húñkqa thá fírí u tha assabún u áñ hóshal thíñe.
- Shafáñkqa mbá hú u ashurábáñkqa áné sqára
- Mááshú hú álá sqííñä alú.
- Oorá walá ma gígísq náñ gííné ?
- Náñ ádídqíñ or ?

Dqííñí u ajerasím ma zíé thá ooríñkqayú dúrra shafa alúñkqa. Ooríñkqa áñ gísqá u áñ nááda thá munzú alú. Mañgífa, albatqanía u alliháf ma kqosqué tha addórú áñ tháma munzúé. Alíshan ma maóiyu ashasharát márë yekqésqa.

Ashan shúgo gíñ pqadí maabí sha álé dqííñä annadáfá alu alú u mbá adaarú álú múñgúnuñgú.

- Álá damá roothá kqalíqí sha “ma maabí kqíllíñ ásqara boolómáre adáár sqári” á géédí ásqara boolómáré u adáárámáre.

## 2.1 Bridging Activity

### Word Bank

- Personal hygiene – Annadáfá alu
- Contamination - Haraba
- Insect - Alhasharáát
- Transmission – Maru/farua

1. Keeping our food in a good, clean place prevents \_\_\_\_\_ [contamination] which can make us sick.
2. Removing dirty things, washing dishes and throwing away contaminated food can prevent \_\_\_\_\_ from living and growing, which can make us sick. [insects]
3. If insects are living and growing in our food, they can \_\_\_\_\_ disease from their bodies into our bodies, which can make us sick. [transmit]
4. Having good \_\_\_\_\_ such as washing our hands, face and clothes and brushing our teeth, can keep us healthy! [personal hygiene]

### **2.1.1 Shakqala ma shabbahuqí (Alhíssa 5)**

Alhádáfá áddarsalé : Mín mbá kqodí géédí addársálé gádarígú máré madíña annadáfá aluqí thá haara u ma álé guuzuga máré.

- Álá kqala geedíe máré háára haará huluqí tha annadáfá alule ma álé guuzuga máré
- Geedí mágíne ma pqíshí álá ábadqíñegú
- Geedí shákqalí ma pqíshí álá kqala ahapqúnathéqí máre bíagá thá-bayú

### **Shambá á garrañlá addársalé**

#### **Ashúkqul 1 (Alhíssa 1)**

- Álá állame thá haarale: Álá háára ma maabí álé ashépken hu thá bí-írá haaróle.
- Sha bakqá áshepqenlá hu mandáñ mandáñ walla tha arráha tha arráha álá bíagá nagára

## Dqokqothágú daa thañor

1. Náñ gíí géédí bádqí áre ?
2. Shañíne dqíñí géédí annadáfá máre alú ?
3. Námbálogú dámla tha annadáfa ?

## Annúkqtqágú thámle tha albal

- Álá kqala geedíé máré faro roothá dqúgurí mbá rothí annadáfá alú u mare háára.
- Álá gía gíné almusíkqó mbá huluqí thá haarámáréle.

## Ashúkqul 2 (Alhíssa 1)

- Álá állama adídíñ tha shapquthá alafeóle.
- Álá gía sqísqía holloñoníñ ma alafé álá áshapquthu
- Álá áhatha geedíqí máré shapquéna thá shapquthá alafeóle u á áhapqunááthá shíñ bía thabáyú.

## Ashúkqul 3 (Alhíssa 1)

- Álá állama shapqena ma namu alú tha asquesqehle.
- Sqínasqíl gádargalá álá gía thá sqísqía, tha asílk u thá algazáza ndu (kqórké)
- Ámáábá ágarrañí pqulá geedíe shambá gííláne. Álá tqukqusaq assílk shúgo Álá buduríñá algazáza nduyu u álá áhíayu tha assílk álá baró shapqutha thá sqísqíaqí.
- Álá áshepqeníña geedí tha alfásílú tha sqínasqílle ma namu alú mare ííla.
- Gadímáñ ma álé bee sqínasqíl á géédíñgunúñ shíñ háára, máre bía thabáyú u mare shapquthíñá sqákqa tháhu.

## Ashúkqul 4 (Alhíssa 1)

- Álá állama aguzua tha asquesqehle
- Asquesqeh thá aagú kqasqí ñínéñ gíiláne
- Ágéédí faro gíñ gíilá asquesqeh tháñ (aagúkqasqí, shéékqe, hangír)  
Álá kqíthá aagu ndu álá bíido alú na are u álá fuudqayú thá  
shéékqe álá baro nííra ndú u álá íila tháñ.
- Maré íila aseesqeh thá haarale sáwa.

## Ashúkqul 5 (Alhíssa 1)

- Álá kqala geedíé máre buura haara alú u gíné almusíkqó alú.
- Álá kqala geedíé máre háára ma álé beega máré gíné almusíkqó  
áká ájada ma huluqí.

## Annúkqá thámle tha albál

- Haara u gíné almusíkqó gíó géédí tha alú mare ábadqíñ maréqí shá  
máré ámana tha alú mare

## Alú límma

Geedí gíñ haalóómáréyu, mbá maadóó máréqí shá mare shákqala tha alú  
mare ábadqíñ maréqí shá mare ahátha ashúkquléqí. Ma ábadqíñálegú  
físh bakqí máré shá máré ápqíshíña ashúkqul. Ashan shúgo gíñ gíí máre  
kqíllíñ álá ápqíshíña mártheqí.

## Almádaras asqawarthíña (Alhíssa 3)

- Gíñbusqí álu

- Zuura

## Alhádáfá addarsalé

- Geedí gádarígú maré kqééra sqísqía faasqa hu thá almádarasú shambá sqáwarthíñnéne.
- Geedí aháthígú máré sqáwarthíña almádárásá mare

## Shambá ágarrañlá

- Álá dqokqotha geedí sqísqía faasqa u íthamthám tha albal shambá náfané.

Almádaras ashan áné pqíísha shambá ágarrañlá ma pqíshí máábí ágarrañí, geedí u maabí adaaru mare sqáwarthíñayú. Gíñ sqáwarthíñ almádarasayú dqukqnúñ sqísqía faasqa mmaané. Sqísqía ma faasqálá ma pqíshí sqáwarthínq añ Ashan shúgó:

Álá gó alkomíté sqáwarthíñ añ míñ maabí ágarrañí u míñ geedí gárraqí. Alkomíté góólá álá ábadqíñe máré shákqala ma pqíshí.

Almádaras sha áné pqíísha, áné sqara u áné galaza lazím álá faasqayú tha sqísqíá (gíñbusqí alú mbá sqáwarthíñne. Amudqá fasqíla tha almádarasú álá gorthíña alú. Agoñgór dqíñí gíñ búsqí álu alú u sqáwarthíñ almádaras míñ mbá sqawarné áhathí geedí u maabí adaarú ashúkquléqí.

Álá ágarraña geedí sha bakqá kqírí máré sqísqía bua u amudqa u bakqá hárabí mare gíñ náfa maabí Álá shúúsha geedí máré hoshalo aña sqawarí tháñ Asaqá hoshalí máréné tháñ máre fágada shambá pqíshíné u shambá shúnné ma má shakqalá ma pqíshí u ma shúní álá daagá araqí mbá ápqíshíñne Alfáídálé thíkqílá thá zuurayú.

## 2.1.1 Shakqala ma shabbahuqí (Alhíssa 5)

### Word Bank

- Personal hygiene – Annadáfá alu
- Contamination – Haraba
- Insect – Alhasharáát
- Transmission – Maru/farua

1. Keeping our food in a good, clean place prevents \_\_\_\_\_ [contamination] which can make us sick.

2. Removing dirty things, washing dishes and throwing away contaminated food can prevent \_\_\_\_\_ from living and growing, which can make us sick. [insects]

3. If insects are living and growing in our food, they can \_\_\_\_\_ disease from their bodies into our bodies, which can make us sick. [transmit]

4. Having good \_\_\_\_\_ such as washing our hands, face and clothes and brushing our teeth, can keep us healthy! [personal hygiene]

## 2.1.2 Aguzuu thá haarale (Alhíssa 3)

- Alhádáfá addarsalé ;
- Geedí gádarí mare háára haará pqulíñ almádárásá máreqí shambá saqáwar thíñ láne ma mare álé guuzuqí.

Álá kqala geedíé mare háára haará pqúlíñ almádarasá maréqí shambá sqáwarthíñláne ma máré álé guuzuqí u ma mare álé bee thabáyú.

### Azañzaña maabá ágarrañíeqí

Ñgó kqala geedíé máré jáhazo rothá dqúguríqí u máré háára ma álé beega mare thabáyú wálla asquesqeh

Álá kqala geedíé ma mare tqorí tha agoñórá almadarasóyú mare madqá thoñor sha bakqa hársqí máré gíñ ma faasqá alú.

Álá kqala geedíé bakqa kqírí máré gíñ ma faasqá alú illa máre muusqa ma pqíshí geedí pqueríñie.

Álá kátaba kqaakqalá ágarrañí tha azzínkí u álá tháma áñá madíné.

Álá kqala geedíe bakqá kátabí mare tha alkursí aré, thá shúlí busqíkqe u thá gíñ náfa máábíqí tháñ busqíkqe.

Álá kqala geedíeqí sha gíné ípqulíñá ma lassagá thá allóhá gíne pqulíñoqí bakqa pqú máréné, bakqá harabí máréné.

## 2.1.2 Aguzuu thá haarale (Alhíssa 3)

Teacher will ask the students to sing a song and dance. As they are dancing, they can say, “We have movement!”

Teacher will ask the students to clap their hands to appreciate their friend’s correct movement. As they are clapping, they can say, “We clap for your good movement!”

## Ashúkqul ma shabbahuqí (Alhíssa 5)

### Ashúkqul 1 (alhíssa 3)

Á géédí daa alhábárá áñá zúúraóó mare.

Dqokqothá daa thoñor ;- Shañíne ázallá aña zúúrala ?

- Zuura náñ nafagane ?

Annúkqtqá thámle tha albal : Assaqá zúúra géédí mare gíida gíñ gíí máré tha alú máré

### Ashúkqtqa thámlé tha albál

Geedí mare zíá thé maabí adaarúle mare zúúra gíñ zúúralá

#### Alú límma

- Á géédí jahaza albarnamája mare mbá zuuraó
- Geedí máre zíá thé abuurá máre hoshala gíñ hoshallá tháñ
- Á géédí ahathá ma badqíqí shá mare zúúra.

#### Éj,aí fí (édís) (Alhíssa)

#### Ihulá ído thé níñéle

#### Ihulá ído thé níñéle

Geedí gádarígú mare kqééra badqíñgíñá maruqí hu

### Shambá ágarrañlá

Álá dqokqotha geedí mare kqééra ej.aí.fí/ édís hu shambá maruné  
thé íhuluá ído thé níñéle.

## Éj.aí.fí/édís náñ maané ?

Édís badqíñá maruqí mbá báshí kqafá fuudí doño mbá pqarí badqíngíñ are u ánē baro fía maabí doño maabá shílhíñane mbá walá gádarí sha ané hámala badqíngíñ mufí bádqíngíñ míllañ. Maabá gídí édís ma mufá bádqíngíña máñ walá gádarí físh sha ánē bádá.

Faírasá edísú mahía busqíkqe ánē áne olu u ánē básha kqáfá fuudí doño. Baqadí mbálo ánē áshuríña olua hu ánē bakqa kqafá fuudísha ané gúda tha assínín assínín tha mbáleyú maabá maíyu faíras sqúllá sha maa-bá dámí faíras. Maabí maíyu faíras ámar badqíngíñ maabíthíeqí.

Thoñoríndú marulá ej.aí.fí/édís tháñ holígú thá bulúeqí.

A/ Faírasá edísú thíkquqí tha almání (sperm) máába ídeleyú u mba níñoyú assáqá hulu márégí mare ámaru badqíngíñ.

Bì/ Thá kqáfá máyu faírasí edísú yaqaní:

Ma maabí dá maabá bádqíé kqafá maíyu faíras.

Gíñ pqílíndu mbá mulá kqafá edísúqí ma nafále tháñ ma dqukqúnúñ wálla ma maabí shúúkqalá tha alqíbírá mulá kqafáqí wálla ma oróñ muluoqí.

Thá roothálegú faírasí edísú gíñ marugane míllañ.

Tha alhakím shaara maabí daa alqíbíra tha alhíllayú tha alqíbírá walá sqárl.

Sha maabí gíí alqadá shúúní míthíl aríísha kqíkqíth u busqíkqe sqííña thá gíñ pqílíndú walá mbá sqárlí.

Maabí sqíñí busqíkqe u maabí fathí íle thá gíñ pqílíndú walá mbá sqárlí sqawaréqí.

Maabí náfaqí tha alqibíra thá kqísqué u tha agúndu ma dqukqúnúñ

Gíné alhakímú wálla gínéñgúnuñgú mbá mula kqafa edísúqí ma nafalé  
tháñ ámaru édís.

Ihuluá ído thá níñéle : Ihuluá ído thá níñéle gíñ ma halagá mbá bakqí maabí shá mare olá mmaané. Zíqí mbá gídí assáha u mbá walá gídí assáha. Ihuluá pqíshí mba gíllá thá thoñoríndú addínú u mba alqadó thá hadqua mmaané. Ihuluá gíllá tha mbaleyú pqíshí mílláñ. Ihuluá shúúní shíñ pqíllí addíní u alqadaqí u sqúllá sha azzína. Maabá idle ma zanná míhí horí añ walla níñe ma zánná maabí horí añ mílláñ walá assáhákqedqe bás níñéñ dúrrane ílla lé gugúdá kqedqe thá maabíle.

### Azañzaña maabá ágarrañíeqí

Kqala geedíe mare damó haará mbá rothí Ej.Aí.Fí édís u maré damogá gíné almusíkqó maré baró háára ma álé beega máréné.

### Azañzaña maabá ágarrañíeqí

Kqala geedíe mare damó haará mbá rothí Ej.Aí.Fí édís u maré damogá gíné almusíkqó maré baró háára ma álé beega máréné.

## Ashúkqul ma shabbahuqí (Alhíssa 8)

### Alhádafá addarsalé

Geedí gádarí mare sáwara assúra mádíñ édísí sha maruqí thá íhuluá ído thá níñéle.

### Shambá ágarrañlá

- Ágéédí sáwara assúra thá gíñ ázalóó mare u máréné mádíñé
- Gíñ sawaróó máréné, maré rothuqí tha alú tha ahapqunáthale

### Ashúlqul 1 (Alhíssa (2)

Ej.aí filédís sha maruqí thá íhuluá níño thá ídele

## Annúkqtqá thámle tha albal

- Náñ kqallá sha íhulua níño thá ídéle ?
- Náñ kqallá sha azzína ? nánó attáqab hasqlne ?
- Mín míhí u maabí fáálé ándí mbá dúrra edís míllañ nánói ?


## Dqokqothágú daa thoñor

Álá pqaada geesd mare gía alhísáábá álu mare.

Á géédí maada édís sha walá gídí addáwa u kítibátí

## Ashú kqul 1 (Alhíssa (2)

Édís maruqí thá gíñ pqílíndugú míthíl alqíbíra agúndu ma náfale  
tháñ ma dqukqúnúñ thá maabá gídí édísle.



Assúra 2.1 Gíñ pqílí ndugú

### **Ashú kqul 3 (Alhíssa (2)**

Edís shañíné márñé gadí zígí dídíné tha íyu ?

Azañ zaña maabá ágarrañié: Huluqí thá maabá assahóle mbá zígí tha adáárú áné ágarraña geedí ma pqíshí.

### **Ashú kqul (4) Alhíssa (2)**

Thoñoríndú maru edís tháñ


Maruqí thá shoora u tha ndu squuthuaya?

Maruqí thá yamuthá ?

Maabí badqí édís ma thámañaqí tha albal mufí hatháña ?

### **Ashú kqul (4) Alhíssa (2)**

- Thoñoríndú maru edís tháñ
- Maruqí thá shoora u tha ndu squuthuaya?
- Maruqí thá yamuthá ?
- Maabí badqí édís ma thámañaqí tha albal mufí hatháña ?



Asúra 2.2 Édís walá mufí tha ínafaqa tha alganífa madqukkúnúñ

## **Albál thamthám u gugúdá pqííshí (Alhíssa)**

- Gíñ thíkqílá ma sqíkqué thá sqakqa alúe
- Alkaharaba

## **Alhádáfá áddarsale:**

Geedí gádarígú mare kqééra gíñ dúrra maabí hu

## **Shambá ágarrañlá**

- Álá ábadqííña geedíqí máré shákqala dírama (Almasírahía) mbá pqúlín edísí tha alú mare.

Geedí gárraqígú thá shúlíndúlé alíshan kqosquñuqígú tha alqúmurú walá fágadí gíñ dúrraqí álá thámagá albál bakqá gíí máré gíñ durra mare.

- Geedí máré maada gíñ dúrraqí shambá adíne u shambá pqríláné aré.
- Geedí bakqá ílí máre thá gíñ pqílíndu, thá doña sáñkáré u bakqa nagúthí mare addawá walá daao márthé alhákím.
- Geedí ma thíkqa gíñ ma doñ, assílík, almíráya u alkubáyá feshé thá thoñorú maré hasqúla mare dqakqa alú wálla mare dííra alú sha bakqá dúrrané maabí
- Shá maré dqííña boolómáre alú míñ gíñ hárakaqí maré maada alkqanúnákqedqe ma pqíshí. Máré hoshala añ tháñ tháábá pqííshí u tháábá gambi gubal máré kqíthu thoñorá alqarabíoyú.
- Ma maré álé zááqí thá thoñorá alqarabíoyú mare záá tháábá gambi máré shá máré maada alqarabíá adoqíqí bakqá dúrrané mare.
- Ma máré háá alqájala máré damá thabá pqííshí máré, bakqá írbízñ

- Máré thama albál múaqí u gíñ shákqalíeqí tha ajas u mbá gií alkáhá raba. Walá ma shambálo máré dúrra boolómaré u shímbíl.
- Alqíbíra, míllákqí u almusmár bakqa dám máréné tha aljéébu sha durra maré u maabíñgúnuñ.
- Bakqá náfa márénqí thá gíñ sqíññóó mámanañ máashú alú than.
- Bakqá mülíñ máré assílíká alkaharabóqí ma zíqí mbá kqíthuoqí wálla mbá sqíkqé thírtheqí wálla alqamúdá alkaharabó bakqá mulíñ máréné tháábá u bakqá hársqí máréné tháhu.
- Bakqá shapqúthí máré alkíbírit mare ííla tháñ añá zíí gíñ kqúrí mú mandáñ (alwárga, ñeera, ajas, or)
- Máré squríña assílíkí wálla gíñ ma dñoñí mbá sañkáré
- Gíñ ápqupqulíñlá asaqá alqíidú bakqá ílí máréné tháñ sha dúrra maré.

## Ashúkqul ma shabbahuqí (Alhíssa 8)

Alhá dafá addarsalé : Geedí gádarígú máré pqúlíña gíñ dúrraqí tha assúra, thá haara u tha aguzua

### Shambá ágarrañla

- Álá dqokqo tha geedí máré kqééra gíñ dúrra maabí hu u máré roothuqí thaa alú.
- Álá kqala geedíe mare jáhaza assure, haara u díramá mbá pqúlíñ gíñ dúrra maabíqí na gíñ ruushé thá sqakqa aluéqí assílíká alkaharabó mbá dare wálla mbá sqíkqé thírtheqí, u algaranétqá ma álu díírá shambá dúrrané maabí.

Añ dqííñathá boolóñkqa alú mín gíñ dúrraqí gíñ ádqañthíñ maabí adaarú míllañ mmaané maabá gídí assáha gádarí áné shááraka tha gíñ ádqañthíñ adááru Alíshan shúgo áñ dqííñä geedí bíló alú mín gíñ dúrraqí u áñ ádqoñondíñagú tha assahámáre.

Albálá thámíña geedí bíloíe dqukqúnúñ añ dqííñä alúgú mín gíñ dúrraqí.  
Thíkquqígú

**Masal:** alú daara thá mú u thá gíñ baadqí, ídúrra thá sqísqíkq, alú pqupqú thá bele u thá gíñ fútqínlá tha addawá walá kqaló alhakím u tha assím Alíshan shúgo álá dqííñä geedí bíló alú mín gíñ dúrraqí geedí sha pqíshíga áqíílí, ílíágú thá gíñ thíkqí mare kqíllíñ.

Sha pqíshíga áñgú máré maada gíñ kqíllíñ áyu gíñ thíkqí máré thá sqakqa alú maré pqúdá ndu, maré barbada alu u maré mumúlíñaqí Tha mbáleyú dúrraqígú.

## Ashúkqul (1) Alhíssa (2)

- Ágéédí kqééra gíñ hasqúlí múhu
- Ágéédí rootha mú shambá dúrrané maabí u shímbí)
- Ágèédí jáhaza roothá dqúgurígú mare állame tháñ

## Dqokqothágú daa thoñor

- Ma maabí íílé thá mú nánbálo gííné ?
- Shañíne dámña mú ?

## Annúkqtá thámlé tha albál

- Ágéédí pqeera roothá dqúgurí ma daadóyú mare mädíñä gíñ dúrraqíqí shambá dúrrané
- Ágéédí állama roothá dqúgurí tha alú mare háára.

## **Ashúkqul 2 (Alhíssa (2)**

Ágéédí kqééra gíñ pqílí ndú hu u dqooñá sañkáré huna gíñ maa máré

### **Annúkqtqá thámlé tha albal**

Á géédí mádíñña assúraqí mbá pqúlín gíñ dúrraqíqí

Assúra pqíshí u mbá pqúlín gíné ma pqíshí álá tháma aña madíné.

## **Ashúkqul (3) (Alhíssa (2)**

Dqokqothá daa thoñor : Ágéédí kqééra alkemíkál hu u gíñ maa ndu sañkaragú mbá dúrraqí.

### **Annúkqtqágú thámle tha albál**

Álá pqúlá geedié gíñ walá náfaqí u gíñ walá madí máré sha bakqá mülín márénéqí.

Ágéédí shákqala díramá tha abuura mbá pqúlín gíñ kqueeró máré hu shambá dúrrané u shambá thámgaláne albál.

## **Ashúkqyl (4) (Alhíssa (2)**

Gíñ dúrra maabí shañíne thámgaláne albàl ?

### **Annúkqtqá thámle tha albál**

- Ágéédí jáhaza roothá dqúgurí shambá pqarlá gíñ dúrraqí are
- Roothá dqúgurí jáhazó máré, máré háára ahapqúnááthé tha alfásílú

### **Alú límma**

- Geedì gádarígú mare maada shambá ásheherlá gíñ dúrraqíqí, shambá squrínláneqí u shambá thámlá albál máré gúda ma pqíshí.

- Assúra, rothá dqúgurí u díramá shákqalí mare thálé ápqíshíñ márthe áñ u áhathí máré shá máré shákqala gíñ tqokqolo. Ashan shúgó álá ápqíshíñagá gíñ shákqal mare shá máré shákqala ma pqíshí.

### 2.1.3 Ashúkqul ma shabbahuqí (Alhíssa 5)

Ask the students, “What can we do to decorate our school compound?”. Students should answer with “We can \_\_\_\_\_ to decorate!” [plant flowers, throw away the garbage, paint the buildings...]

#### 2.1.3 Bridging Activity

##### Word Bank

- Disease - Badqíñgíñ
- Blood - Kqáfa
- Sexual intercourse – Iîhuluá niño thá ídéle
- Immune system – Badqíñgíñ are pqaara
- Toilet - Alganífa

1. HIV/AIDS is a \_\_\_\_\_ the kills white blood cells in the \_\_\_\_\_ [disease, immune system]
2. HIV can move from one person to another person. It is transmitted through \_\_\_\_\_ [blood] and \_\_\_\_\_ [sexual intercourse]
3. HIV can not be transmitted by using the same \_\_\_\_\_ as someone who has HIV. [toilet]

## 2.1.4 Álá náfaqí thá gíñ thíkqu tha adáárú (Alhíssa (5))

### Alhádafá addarsalé

Geedí gádarígú máré shákqala gínéñgúnuñ ma shabbahu qíthá gíñ holí tha addárúle.

### Shambá ágarrañlá

- Assúragú shákqal máré álá pqúlá márthé shambá shákqal máréné tha gíñ holí tha adáárú míthíl mbá shákqalá maréne gubal mbále.
- Álá pqúlá márthe shambà shákqal máréné thá thañabaro, thá kqílkqíshó, thá gaagú thá duudu u tha sqakqa.
- Álá daagá ashúkqulá thaayu u mbá alfásílú máré shákqala gíñ shabbahauqí thá gíñ dqaakqálá alú shambà maadó márénéeqí  
Lakín álá pqulágagú shambá thámga máreñe albál. Mbálé bakqa múlín máré gíñ ma ndu sangaraqí, mbá ma álu dííraqí, mbá zíqí aña ma manaqá u bakqá záágá máréné.
- Gíñ buuró máré alú álá kqala mártheqí máré shákqala kolagí tháñ, mozaík tháñ u assúra tháñ u áré faro tha almadarasúeqí.
- Álá kqalagágú máré shákqala gíñ gíílá díramá tháñ u máré gía dírama mare mädíñe thá alfásílú.

### A/ Gíñgú fédqílá

\* Bílkqátí gídí ndu 1

\* Ashakúsh (dqóóre) 1

\* Almusmàr nímíra 12

\* dííñí /mba squruñí 10 s.m) 1

## Shambá shákqalláne

- Bílkqátí ndu álá budúrayú tha annúsú.
- Álá áhíayú thá dííñí aňá budúróóláneyú.
- Álá tháma gíñ dídí thá bílkqátíyú (ajas, mú, alkohol)
- Mín mbá áhííláneyú thá dííñí, álá áhía dííñí thá bílkqátíyúé u álá baró nííra ndu.

## **Annatíjá kqedqe**

- Gíñ góolá almásíraj mmaane.
- Ábadqí aň u ásqar aň.

## **Ndu mootha**

- Dííñí walá ma híé ma pqíshí almásíraj alú akqura dúrraqí.
- Gíñ budqí álu aňá zíí almasíraj álì gúsha thá or.
- Alwarga u oorí álá ásquríña almásírají.

## **Bí/ Zízí duudú hattama tha allón**

Gíngú fédqíla allón, duudu, alwárgá fuudí u algazáza.

Shambá shákqalláne.

Álá ázala duudú pqíshí ashúkqúláleqí.

- Álá dqúúla thoñor aňá madíné zízí dquuléqí.
- Duudú dqúúlóláqí álá tháma thá gíñ fuudí holloñoníñu ma pqíshí.
- Álá hársqa gundí tha algazáza márra walá ma thóhí aňákqedqe qí.
- Alwárgá thamóólá thá shooréqí u duudú álá hasqúle tha arráha.

## **Ndu dado**

- Tha almárayú zízí duudú walá hohí ma pqíshí.
- Ma maabí fágadá aña zíida állóní u aña kqosqíné maabí gádarí álá áhuoha alhítímá pqíshí.
- Ma maabí mómothíñá ashúkqulíyú pqíshí.

## **Annatíjá kqedqe**

Duudú dqafaruqí sha dqukqíthá ndúgú pqíshí álá muusqe na alhítímákqedqe tha alqenbunú.

## **Dí/ Kolájí shakqala**

Ashúkqulá kolajú gássamlá aleñ taláta mbàlegú

1. Álá rásama áwal álá baró sqíñagá gínéñgúnuñ álá ánísqagáne.
2. Álá sqíñagá assúra míñ alkítááb u ajarídá harábé álá shákqalane tháñ
3. Álá thará rasamá álá baró kqíthá álá ánísqa tha alwárga mañu.

Ágéédí maada gíñ shákqal máré kolájí tháñ sha gíñ harabe sqíñia mbá thíkquqí tha adááru mmaané.

Ashúkqulá kolajú rakqasqí álu u walá fédqí fuuda.

Alíshan assura gídí allón mmaa mare wálá fish fédqí allónámáñ

Gádargalá álá ánísquqí ma pqíshí.

## **Ndu daadó**

- Assáqá ashukqulú ñgó tháma albál booloqaeqí u gíñ shákqalñó tháñéqí.
- Mín mbá kqódílá ashúkqulí álá gísqa alqíddayú u álá móótha áñá kqedqéqí ma pqíshí u álá gísqa thabá thá fírí u tha assaabún.

## Dí/ Mozaík

Mozaík ashúkqúlá zíqí kútur míñ koláj mmaane. Shale shákqala almozaík áwal.

- Álá jáhaza arrásímí tha alwárgá bádqíqiyú wálla tha alkartoónú
- Tha arrasímá ma jahazayú álá ánísqa zílí are, bele bíló gídí allóná dqafaruqígu u gíñ shábbahanegú.

## E/ Allón jahaza thá duudu (amudqa)

Gíñ fédqígaláné: duudú, amudqá, almíndíl, alkubáya, almadág, fírí.

Shambá shákqalláne.

- Álá ázala duudu wálla amudqá fédqílá
- Álá díísqa duudu wálla amudqa tha almadágú lemín áné dqamusqa.
- Duudu wálla amudqá díísqóólá álá tháma tha almíndílú álá baró hórbosqa tha alkubáyayue ma pqíshí.

Allóná thíkqólá míñ duudu wálla amudqá ma horbosqá álá dqúúla as-súra tháñ.

## Ndu daadó

- Allóná thíkqílá míñ duudu u míñ amudqa namuqí múñgunuñ badqí álu u múñgúnuñ ma fírí. Ashán shúgo álá ázala mbá pqíshí.
- Assaqá shákqal háthúne thamatha albál booloñgámaeqí u gíñ shákqalhá tháñéqí.
- Míñ mbá kqódílá ashúkqulí álá gísqa thabá thá fírí u tha assabún.

### **2.1.5.1 Bridging Activity**

#### **Word Bank**

- Self protection – Alú ííthamthám tha albál
- Accident – Gíñ sqikqí / alkqádar
- Match - îqahulua
- Vehicle – Gíñshîmbîriñí / barshiñí

1. One way you can practice \_\_\_\_\_ and keep yourself safe is to stay away from the road when you play football. [self-protection]
2. You must ride your bicycle on the right side of the road. If you ride your bike on the left side of the road, you may have an \_\_\_\_\_ and get hurt. [accident]
3. Before crossing the road, you have to look right and look left to check whether or not there is a \_\_\_\_\_ on the road so that you can avoid an accident. [vehicle]
4. Playing with a \_\_\_\_\_ where there is dry grass may cause an accident with fire. [match]

### **2.1.5.2 Bridging Activity**

#### **Word Bank**

- Demonstration – Iimadiña
- Shape - Ashákíl
- Materials - Ginegú
- Collage – Kollagí

1. Art can be made from different kinds of \_\_\_\_\_ such as paper, leaves, string, cloth etc. [materials]
2. Abebe brings paper, leaves and dyes to the classroom and shows the other students how to make an art project. The process of showing how he is making the art is known as \_\_\_\_\_ [demonstration]
3. Art that is made from putting together different materials is a \_\_\_\_\_ [collage]
4. The leaves in the picture below have different \_\_\_\_\_ [shapes]



round leaf



oblong leaf



scalloped leaf

## Igeerá ákqusqo holloñonín.

### Igeera 1

Dqokqothágú holí thá bulúeqí ma má assé hathú kqalathaga sha asse u  
ma má busqáñ shin háthu kqalathága sha busqáñ

Addársá assahó daalá tha azzaman dqukqunuñú u áné kqóóda.

Maaba sha áné shákqal ma pqíshí áné gíida assáha.

Albadálá mérlá fírí harabé ahér álá thíñia thíñthíñá harabé.

sha álé áshehera dídqáñgañí míñ tha adaarú ashúkqúlá máábí kqíllíñ  
mmaané.

sqísqía faasqa atqábí pqííshí mmaané.

Addársá assahó gíñ thámne tha albál assaha alú dqííñá mmaane.

dídqáñgáñ alú dqaakqa añ kqíllíñ thoñoríndú dqíñlá assáha alú tháñ  
mmaané.

Édís ma múúfa maaba fíka ñine.

Gadí bádqí áre záákarí ma alúdqoosha zíqí bás

Maabí dáágalá almasqulía shá mare gíida annadáfá maabí assahó bás  
mmaa mare.

### Igeera 2

#### Áhorathá añiyúlegú

1. Édís thoñoríndú maruné tháñ \_\_ , \_\_, u \_\_, mmaane.
2. \_\_\_\_\_ Gíñ daalá alhábará pqííshí tháñ u mbá ágarrañlá tháñ mmaané.
3. \_\_\_\_\_ jahazílá míñ amudqa wálla duudu.
4. Maabí ma bakqa alkqanúná assahó mufí \_\_\_\_\_.

## Áhuluthá dqokqothálegúqí

A

Bí

- |                   |   |
|-------------------|---|
| 1. Édís           | A/ mbá daalá sha áné pqaara badqíñgíñ are |
| 2. Kqáfa nagasa   | Bí/ Azoola, báára                         |
| 3. Addársá assahó | Dí/ Annadáfáalu                           |

### Igeeka 4

1. Sha álá gíida assáhá pqííshí nambálo dámla tha annadáfa ?

A/ Shúlíñkqa    Bí/ busqíkqeñkqa    Dí/ añáñkqa

E/ kqíllíñ

2. Óórá walá ma gígísq

A/ ñoní ma shúní    Bí/ hasqúlí dqííñí    Dí/ shúní maabí hoshalíne tháñ

E/ kqíllíñ

3. Ándí mbá gísqíña gubal áñ dírsha ? A/ oorá habíthañu    Bí/ hu

Dí/ oorí munzuyú    E/ mothá walá ma daadó

4. Ándí mbá dúrraqí ? A/ sqísqía faasqa    Bí/ sqísqía alú daara

Dí/ gíñbuushú ñeero doño fífí    E/ “Bí” u “Dí”

7. Gadí gárraqí ándí mbá thámgané albál ?

A/ Alkarásákqedqe u alkítáábákqedqe    Bí/ gíngú holi tha alfásíl-  
ákqedqeyú    Dí/ assabúrá    E/ kqíllíñ

8. Andí mbá ma badqíñgíñá walá gídí addáwa ? A/ alú kqokqól

Bí/ íyú kqokqól    Dí/ édís    E/ Alhúmma

9. Andí mbá walá marí thá íhuluá níño thá ídele ? A/ edís BÍ/ kqáfá  
nagasí DÍ/ kqereñkqueréñ E/ albájel

### Igeera 5

Móóthathagú dqokqothalégú ma dqúgurí  
kquéérathá gíñ walá maru edís than hu  
Kquéérathá añá attaríhú mbá góába.  
Assaqá náfañaqí tha alkáhárabá nambálo thámgaña albál ?  
Horóñ shañíné hasqul máre badqíñgíñ ?

### Moothá ígeero

#### Ígeera 1

1. Busqáñ
2. assé
3. Busqáñ
4. Assé
5. Assé
6. Assé
7. Busqáñ
8. Busqáñ
9. Busqáñ
10. Busqáñ

#### Igeera 2

1. Gíñ pqílíndu - giñ mula kqafá maíyu alfáíras - gadí ólí niñe gídí alfaír
2. haara
3. Allón
4. Badqíñgíñ

#### ígeera 3

1. E
2. F
3. A
4. DÍ
5. BÍ

## Igeera 4

- |       |       |
|-------|-------|
| 1. E  | 6. E  |
| 2. E  | 7. E  |
| 3. Bí | 8. Dí |
| 4. E  | 9. Bí |
| 5. Dí |       |

## Igeera 5

1. Thíñthíñ ma dqukqunuñ ínafaqa tha alganífa dqukqunúñ.
2. Haultí, alkúbba, múzíem, azaríbá seqínlá buushú ñeero thayu
3. Assílik ma zíqí añá kqenáné álá lássaga álá nafaqí tháñ assáqá fédqláne bás.
4. Hasqúl dídqáñgáñgú míñ añá dídqí áñ máré dqoñosha tháñ thá thíñthíñ alú.

## Akqusqo Taláta

### Algasámá busqkqethú (Alhíssa 80 )

Alhádafá ákqusqolé: Mín mbá kqódí géédí akqusqólé gádarígú máré

1. Gádara busqíkqué máré ímulíñia
2. Maada shambá gíí máré algúdúrá kqapqílá máréthí
3. Ádqaníthíñia atqábí shárakíga máré tha aqílýú.

Alhádáfá addarsaté na mbílló : Mín mbá kqódí géédí addársalé, gádarígú mare.

- Kqééra ashúkqúlá thabo hu
- Háára haará pqúlíní ashúkqúlá thabpqí
- Dqaakqa u máré múfa tháábámáre
- Shákqala ashákílá dqafaruqígú tha alhítím u máré dqúúle
- Áhoha ashákíl thá dookqó máré háttama.
- Gúúdqá guudqá dííñu ma pqíshí máré mádíñe.
- Áshimbíríñia busqkqué máré thoñor añá fédqígaláne ma pqíshí.
- Gúgudqíñia ma pqíshí máré mádíñe.
- Shákqala gíñ gúdqígalá u mbá shépqéngalá máré mádíñe

### **Shambá ágarrañlá addarsálé**

Álá dqokqotha geedí máre kqééra ashukqúlá thábamaré hu

Álá áharthíñia geedí haará rothí gíñ kqueeróómáré hu ma shaarí na haará álá jáhaza álá daa márthéqí másal thabáñkqo thíñí, mérí, lí, kátabí, sáwarí, mufí, níshí, thabáñkqo gíí gíñ kqíllíñ.

Álá áshakqalthíñia geedí ashúkqulá muufó máré mamáthíña thí.

- Mín mbálo álá áshakqaíthíña geedí gíñ dqakqílá ma dqafári maabí alú máré zíága hóloñoníñ hóloñníñ máré állama.
- Álá ásheeru geedímáré íila gíñ dqakqílá u mbá mufílá.
- Maabí shákqalne ma pqíshí álá kqalagagú máré áshakqalthíña ahapqúnááthá.
- Álá mádíña geedíé assúrágú sáwará máré gubal mbále lakín álá móóthagá márthé ndu bakqá thohímáréne míñ mbálo álá fára geedí thá múzíemu aña alhabarú, aña seqínlá gíñbuushú ñeero u tha. almásnaqagú álá kqalagá gú máré mádíña gíñ pqííshóó már-theqíqí tha arrásim, tha kolají, thá almozaík, thá zure, thá rabíthí u thá assílík.
- Gíñ shákqaló máré , máré pqúlá ahapqúnáátheqí shambá shákqal-oo máréne.
- Álá kqala márthe máré ázala mbá pqííshí.
- Mbá ázaloo máré álá tháma áña madíné.
- Geedí gídí gíñ ázalóólá álá ábadqííñegú.
- Álá dqokqothagú máré rootha alhítím shambá madí máréne.
- Álá mádíñagá gíngú ma hattamá thá gíñ dqafaruqí u álá dqokqotha máré na gíñ maane tháñ hattamá.
- Shá geedí gárrá guudqá dííñu thá shúlíndu talátayú álá ábadqííñegú thálé máré gúgudqíña mandáñ mandáñ.
- Gadí madíne guudqá álá ábadqííñe áné pqúla ahapqúnáátheqí shambá gúdqíláne.

- Álá állama geedí máré bírthíňa dííñí abarshíňa shá maré gúúdqá ma pqíshí.
- Álá águdqíñagú aň dqukqúnúň u ma máré álé thohí.
- Álá tháma albál sha bakqá dúrra géédíqí ma álé gúdqígú.
- Álá ágarraña geedí shambá barshínlá ma madqu gundí shambá zíiné thá belló.
- Geedí gárrá shambá káárabílá thá shulíndu talátayu álá ábadqíñeqú thálé máré shákqala ma pqíshí.
- Álá águdqíňa geedí assátqur holloñoníň alú thá kaaraba.
- Álá águdqíňa geedí gíñ gídí squríňa míň 30-40 alú ma máré álé gúgudqíñí.
- Álá fuudqa geedíe gíñ gúgudqínlá alú ma madqu gundí máré gúgudqíňa alú ma máré álé thúlí.
- Álá shákqala geedíe adídíň u guudqa ma pqíshí.
- Álá áshakqalthíňa geedí gíñ maadó máreqí ma shabbahuqí.
- Gadí shákqalne ma pqíshí álá kqalagá áné pqúlá geedíe.
- Álá ásawaríňa geedí assúra mágdíň geedí walá gádarí adídíň u guudqaqí.
- Álá pqúlá geedíe aqílí gagíñugala shambá illáne u álá áqíltihíňa mare.
- Álá áshuríňa geedí hóloñoníň hóloñoníň álá áqíltihíňa alkúra dqaakqa u mufa.
- Álá pqúlá geedíe shambá dqakqílá alkúra u shambá múfíláne.

- Álá áshakqalthíňa máré mbá huluqí tha addárajámáréle.
- Thá shúlínduléyú álá állama geedí shapquthá kaarabó u álá. áshakqalthíňa máré.
- Álá daa geedíe gíñ beelá mbá dqafaruqígú u álá kqala mártheqí máré zíaga hóloñoníň hóloñoníň máré állama bebé.
- Álá pqulá geedíe gíné almusíkqó mbá beelá ma huluqí thá guudqá dííñule. Gíñ halí géédíyú máré hozá gadí madínne shakqalá álá kqalagá áné pqúlā aha pqúnááthéqí. Álá físh pqulá geedíe shambá gííláne u álá gía álá mágína márthéqí.
- Álá hasqúló geedíe almusíkqa álkqómíá dqafaruqí mbá ma sajelá álá áhalthíňá máréyú tha almusájel.
- Álá áqílhíňa geedí almusíkqa madílá tha adárárámaréyú u álá kqala mártheqí máré bíagá thabayú.
- Álá kqala geedíe máré háára haará alfánáná madíla u máré bíaga thabayú u gíné almusíkqo.
- Ma gadaruoqí álá áhalthíňa geedí haará alkqómíá dqafaruqí tha almusájel u álá kqala márthéqí máré shíñ állam

### Gíñ pqadí addársálé

- |                   |                            |
|-------------------|----------------------------|
| - Alkúra or       | - Alfürsha                 |
| - Alkúra alqístík | - Dííñí                    |
| - Alwárga         | - Assúrá mágí              |
| - Bele bííló      | barshíňaqí                 |
| - Algazáza ndu    | - Gíné <u>almusíkqó gú</u> |

- Assúrá mágí adídíñí u guudqaqí - alhítímá dqafaruqí
- Rabíthí - gíñ náfálé tháñ aqílí
- Zure agagíñuoqí
- Assílík - Almusájel.
- Almagás
- Gíñ anísqílá gíné tháñ
- Bele

### 3.1 Thabá (ALhíssa 6)

Thabá busqíkqué maabí mmaane. Thabá náfaqí álá múfa tháñ u gídi ashúkqúlá hórí añ míllañ. Busqíkqe alú ndímílu náfaqí kqíllíñ lakín míñ mbá hoshalíña ashukqúlá thabo tháñ walá zíí mbá shákqal ashúkqúlakqedqe alíshan lé gíñ adí ma shóllá gundí kqíllíñ móthíné alú. Thabá shákqalí ashúkqul kqíllíñ másal: sha áñ dqííña annadáfáñkqa alú húñkqa, buusháñkqa, busqíkquéñkqa u ooríñkqa kqíllíñ tháábá ñínéñ gísqíñaane. Thabá náfaqí álá pqaara alqádu are tháñ shambá squlóláne hu thá belló áyu gíñ gíí alqadu tháábá ñínéñ pqarláne are. Alíshan thabá walá bakqí busqíkqe alú máñ sha áné dúrraqí gíñ gíqí ma shóllá gundí gubal áné lufá busqíkqethí thabá wásalí mandáñ. Thabá náfaqí ashúkqúlá busqíkqe íqabíbídíñuoqí u físh sqáwarthíñ busqíkquéñkqa.

### **3.1.1 Ashúkqúlá shàkqallá tháábá (Alhíssa 4)**

#### **Dqaakqa**

Ma maabí dqakqí alkúra tháábá gambi álá tháára hu thabá pqíshí hú u alá damá sqakqaqí thá hu alú hú thabá pqíshí. Bíshí are áné hoshala añ than aña walá dqakqígalá alkúraqí. Thabá dqakqí álá tqúkqusqa míñ thá kqoñkqolóñ thoñorndu dqukqunuñéqí míñ mbalé thabá dqaakqóqí assáqá lágazíñne busqíkqe tqukkúsqí u bua alú thabá píshí /mbá gambi áné lágazíñne thoñor aña dqakqígaléyeqí . Hú thabá pqíshí/mbá gambi áné tqukkúsqa baalá shúgo u áné muusqa ñeesqá busqíkqethú. Ma maabí álé dqakqí thabá dqakqílá tháñ áné zía thá bua alueqí u áné baró barbaduqí thaarathéqí tha mbáleyú hú zíí ma agundíeqí áné lágazíñne thá busqíkqe sáwa thoñor aña dqakqígaléyeqí. Thabá dqaakqóqí áné fish mathá magundíé qízízí busqkqethú shúgo náfaqí míllañ dqaakqe qí. Mín mbále ashíddá dqakqílá than nineñ shákqalí. Thabá dqaakqóqí mbá zíó thaarathéqí áné ábarbadu thabá aluqí, kqoñkqolóñí u bua alúqí áné gía gíñ fédqílá. Hútharó shuruña áné shin bíduqí u áné gía gíñ fédqíla míñ mbá dqakqílá hú shúríñoqí áné tqukkúsqa míñ thá gushúñ áné bakqá busqíkqe

#### **Aguzua madí Dqaakqa u mufa**

- Álá áshuriña geedí tha ajós ma squríñuqí tha almedánú.
- Álá daa geedíe alkúra dqúkqunúñ dqú kqunuñ.
- Álá pqúlá geedíe shambá dqakqí máréné u shambá mufí máréné.  
Addársalé mbá daagaláne ma madqu gundí shá géedí maada añ gundí mmaané alíshan shúgo walá gíñ gímmáñ.

Alíshan shúgo ashúkqúlá daalá kqíllíñ álá áshakqalthíña geedí ma madqu gundí

1 Geedí shúríñí tha ajós (holloñoníñ holóñoníñ) mánañ áné dqaakqa u áné múúfa álá állama maré.

2 Álá államagú máré thóóha thoñoríndú dqakqí máré tháñ

**Másal –**

Thá shooreqí

- Thá thééleyeqí


- Thaarathéeqí

- Maagundíeqí

**Azañzaña maabá ágarrañíeqí**

Álá táábaqa geedí máré físh shákqala ma sharí ma mbá kqalóláne már-theqí.

Gíñ dqakqí máré álá thámagá albál bakqá húshíné maabí alfasíla máñ.



Assúra 3.1 Dqaakqa u mufa

Shambá mágíñóóláne márthé gadí damí alkúrá áné dqaakqa ahapqúneqí. maabá ágarrañí táábaqa máre gíá ma pqíshí maabí mufí alkúrá máre jáhaze shambá mufí máréné.

Shambá mágíñóóláne márthé gadí damí alkúrá áné dqaakqa ahapqúneqí. maabá ágarrañí táábaqa máre gía ma pqíshí maabí mufí alkúrá máre jáhaze shambá mufí märéne.

Maabá mufóó alkúra áné físh gía aguzuá shabbahauqí ma shákqalá máré tha arráha tha arráha kqíllíñá máré álá físh áshakqalthíña máré mandañ mandañ.

Alkúra mufa u dqakqá ímulíñá ma halagá mmaané. Maabí gádarí álá mufa gíñmáñ tháábá álá dqaakqa añá mañéqí. Álá áshuríña geedí ma squrñuqí álá állama shambá dqakqí máré alkúra, ber, alolo u dískes sha álé dqaakqa gíné thá thoñoríndú dqafaruqíyueqí álá shupqa alú thaar-athéqí u álá fía busqíkqeyú álá baró áhatha thabá alú álá dqaakqa u álá tháár aga hú dqukqúnúñ hu. Gíñ dqaakqólá míñ añá squríñ áñ álá mus-qagá busqíkqe álá baró mufa.

Busqíkqe gássamí aléñ taláta assaqá mufíla gíñ mañ Áné zía thírtheqí, tha annúsueqí u thá shooreqí áné baró mufa gíñ dqakqólá thá-ábá holloñoníñ. Gíñ dqakqólá alíshan buunó tha ashíddá álá fíagá busqíkqeyú ma agundié thá hule álá baró mufa sha bakqá dúrrané thabá u bua. Mbálé náfaqí sha álé mufa gíñ dqaakqólá ma pqíshí u bakqá dúrrané thabá alú.

### 3.1.1 Bridging Activity

#### Word Bank

Response - Mootha

Technique - Thoñoríndu

Throwing - Dqaakqa

1. In the picture, the girl is \_\_\_\_\_ the ball. [throwing]
2. There are special \_\_\_\_\_ for receiving and throwing balls [techniques]
3. Almuz and Dereje are playing handball. Almaz throws the ball to Dereje, and Dereje catches the ball. Catching the ball was Dereje's \_\_\_\_\_ [response].

### **3.1.2 Arrasím (Alhíssa 25)**

Alhádafá addarsalé

Mín mbá kqodí géédí addársalé gádarígú máré

Shákqala gíñ rásamlá mbá dqúlle u mba háttamla

**Shambá ágarrañlá addarsalé**

- Álá fará geedí thá múzíemu, tha aña daalá alhábarú aña seqínlá gíñbuushú ñeero u tha almásnaqayú máré hoshala gíñ pqíshí márthe tháñ mare shákqala arrasím, kolají u mozaík thá rabíthí, tha zure u tha assílík.
- Mbá shákqalóó máré , máré mádíña ahapqúnááthé shambá shákqalóó máréné.
- Álá kqala marthe máré szala mbá pqííshígú
- Mbá azalóólá álá thámá aña madíné.

## Gíñ pqadí addársálé

- Alwárga
- Bele bíló
- Algazáza ndu
- Rabíthí
- Zure
- Assílík
- Bele
- Almagás
- Gíñ ánísqílá gíné tháñ
- Allón
- Albúhía
- Alfúrsha

## Arrásím

Gíñ kqalgalá sha arrasím, gíñ fedqílá sawará tha alwárgayu wálla tha as-sabúúrayú álá thárá rasama mmaané. Arrásím náfaqí ashúkqulá assúroe-qí kqíllíñ.

Assaqá rásamíña assátqúragú gííña bakqá madíne áre ma pqíshí. Alíshan ma harába hatháñeqí áñ muusqa ma pqíshí.

## Allón dquula


Allón gíñ sqawarí mmaané. Alíshan shúgo gíñ ma halagá u mbá gó máába sqáwarthínlá tha allón.

Allón jáhazílá thé gíñ ma halagá. Gíñ gííláné tháñ sqakqa u gíñbusqí álu. Álá nafaqí thé gíñ thíkqu tha adáárú álá jahaza allóná fédqílá.

Gíñ dqúlla tha allón dqafaruqí shambá dqúlláne alloná fírú álá dqúúla míñ añá sqári áñ tha ngíshurueqí u allóná kqooshú u mbá tembera shíñ míñ tha ngíshúru añá sqári áñe eqí. Tha addárajáleyú shambá shákqallá al-lóná fírú zíí thé bulúeqí. Alqáwal gíñ rásamóólá tha alwárgayu wálla tha assabúra are alá duupqagá allón álá madqaneyú tháñ mbá zíí thé bulueqí almásalá kqedquénné.

## Arrásim u allón dquula

Tha ashúkqúyá assurótú arrásim u allón dquula huluqigú míllañ. Mbále gíñ fédqíña áñ sáwará áñ thará rasamá thá galam rasás áñ baró dqúúle thá allóná fírú wálla mbá kqoshú. Arrásim u allón dquula walá faru gundígú Assúrá zíí thá bulúeqí ásqarí roothále hu.



Assúra 3.2 arrasim u allón dquula

### 3.1.3. Alhítím (Alhíssa 5)

#### Alhádafá addarsálé

Mím mbá kqodí géédí addársalé, gádarígú máré shákqala alhítím thá dookqó

#### Shambá ágarrañlá addarsálé

- Álá dqokqotha geedí máré rootha alhítím shambá madí máréné.
- Álá mágíña geedí gíñ ma hattamá thá gíñ dqafaruqí mare pqlé na gíñ mane.

## Giñ pqadí addársálé

Alhítímá ma shakqalá thá gíñ dqafaruqí.

### 3.1.2 Bridging Activity

#### Word Bank

- Model - Almodél
- Sketch - Thámahu
- Design - Arrásim


1. When making a picture, you first think about where you want each part to be and how you are going to make the picture. This is called \_\_\_\_\_ [design]
2. After you think about where to put the parts of the picture, you can use a pencil and \_\_\_\_\_ an outline [sketch].
3. You can make a \_\_\_\_\_ of something out of wood, cardboard, mud etc. [model]

### 3.1.3 Alhítím (Alhíssa 5)

Gíñ kqíthí u mbá pqúúqí ma shákqalálá u ma dquuluqí tha allón alhítím ñínéñ sqúlláne.

Alhítím shákqallá thá thoñoríndu hollóñoníñ, mbá pqúpquñlá u mbá gíílá shambá zííné mbá kqalgalá shambá pqúpquñla mbá gíílá thá dookqó, sqísqía u gíñ ma alqístík.

Mbá kqallá shíñ sha mbá gíílá shambá zííné, mbá gíílá thá gíñ ma halagágú míthíl duudu íle u thá gíñ gíí máába míthíl algazáza ndu amamzí u gíñ pqúpquñlá thá bele pqílíndu.




Assúra 3.3 Alhítímá ma gígí thá gíñdqafaruqí

### Alhítima dookqo


#### Shambá gíilá alhítím thá dookqó

Dokqó alíshan thíkqílá tha adáárú gádargalá álá ágííthíña geedí tha alfásílú u thá mare máre gía ma pqíshí.




Alhítím shakqala thá dookqo ñínéné zíqí thá bulúeqí. Áwal álá kqíthu dookqoyú thá hangír álá baro rásamayú shambá fédqíláne u álá baró ápqílayú thá hangír, álá háafe áná walá fédqíláne álá baró dqúúle tha allón u álá háttama tha alwárgayú. Tha ashúkquláleyú maabí gádarí álá sqííña dookqó holloñoníñ wállea taláta álá áhuluqí álá baró gía gíñ fédqíla tháñ.




Assúra 3.4 shambá gílá alhítím thá dookqó



Assúra 3.5 Alhítím thá dookqó dqukqúnúñ



Assúra 3.6 Alhítím thá dookqó árbaqa




Assúra 3.7 Alhítím thá dookqó árbaqa

## Shambá shákqallá gíñ sqawaró tha alhítímá dookqo

Mín gíñ gíilá tha alhítímá dookqo dqukqúnuñ gíñ sqawaró mmaané. Shambá shákqalláne, álá sqííña dookqó shambá fédqíláne álá baró hááfayú álá gía gíñ sqawarí tháñ.

Ma fédqíña shá añ shákqála áwal áñ kqíthu dookqoyú añ hollóñoníñ añ baró rásamayú thá gíñ fédqíña u áñ hááfayú áñ baró dqúúla tha allón.



Assúra 3.8 Giñ sqawaro hatama thá dookqó

## Assúrá amudqó wálla mbá mísqo rasama thá dokqóu hattama

- Shambá shákqallá alhítím thá dookqó álá fish mathá geedíe thí shá máré fágada ma pqíshí mín mbálo gubal á géédí rásama gíñ sáwaró móré thá dookqóqí álá ákada ma gídiga móré gíñ fédqílá kqíllíñ.
- Alqíddá thíkquoqígú walá ma káffa geedí álá daa márthé tha abuura. Añá shákqal géédí móré lílkqa alú thá ajerída móré kqíthu dookqoyú tha annúsú. Dokqó kqíthuó móréyu álá thamagá albál sha áné sqára tha annusú.

Mín mbálo baró arásímá jáhazó máré míñ mbá thohí máréné tha alkarbón máré físh rásama tha almusmár wálla thá gíñ pqíllndu tha dookqoqí míñ mbalo máré madqayú tha allón máré baró háttama tha alwárgayú ma álé shákqal máré á máábá ágarrañí t̄qooragá ma álé musqíné márthé shambá shákqal máréné.

**Másal** : ma máré álé kqíthu dookqoyú máré tháma albál bakqá kqíthí máré hágír wálla á máábá ágarrañí kqíthu mártheyú.

- Álá pqúlágagú gíñ háttam máré bakqá dídqíne álu. Álá pqulágagú assáqá dírhísqí máré dokqó alú shá máré háttama bakqá hozí máré thába sha hárabí alhítím ma háttamá máré manáñ u ma fédqí máré shá máré físh háttama máré gísqagá alloní míñ thá dookqó alú. Álá ábadqíñā geedíqígú máré shákqala gíñgú holí shúgo u gíñ pqíshí mbá thíkqí márthé fuudá máré shíbíla alú. Alqáhír baró gíñ shákqalóó géedí tha addársaleyú álá rússa tha alfásílú máré daagá array. Gínlé náfa geedí máré maada shambá daalá array gíñ shákqalá mámanañeñqí u máré físh maada ashúkqulá sawaró ma pqíshí.

### **Assúrá gíñbúúshu tha alhítíma dookqo**

- Sha álé thará addársalé álá dqokqotha geedí gíñ kqallá sha alhítimá dookqo máré ásqara hu.
- Álá pqúlá gedíe addársá alyomú sha gíñbuushú hattama thá dookqó mmaané.

- Álá dqokqotha geedí gíñ buushú fédqí máré shá máré shákqala
- Másal: 1. Aafédqí áshákqala assura mísqo
  2. Gíñ fédqílí áshákqala assura marú mmaané.
- Álá ákada ma geedí gídí gíñ fédqílá ashúkquléqí
- Hangír walá ma káffa geedí kqíllíñéqí álá daa márthe tha abuura
- Gíñbuushú fédqí máré shá máré rásama álá kqala márthé máré rásama thá dookqó maíyu kqíthuayú
- Álá kqalagágú mare hááfa dookqóqí aña walá maané rasamá
- Álá kqala geedíe máré tháma albál bakqá kqíthí máré ñalú máré na thabá.
- Ma álé shákqal máré á máábá ágarrañí tlooragá male musqíne mártheqí.
- Álá ákada ma geedí kqíllíñ shárárakí tha ashúkqulú
- Álá kqalagagú máré rásamo amudqá pqíshí mártheqí
- Gíñ háttamoo máré máre kátabe tha alqísímá máré tha alqúmúrá máré u thá shúlíndu máré álá baró tháma aña zíí kútur.

### 3.1.3 Bridging Activity

#### Word Bank

- Embellishing - Sqawarthiñā
  - Painting - Iidquula
  - Printing - Hattama

1. In the picture, the man is \_\_\_\_\_ a nice colourful picture.  
[painting]

1. You can make a nice picture by carving a design on a potato, painting dye on it and then \_\_\_\_\_ the design on the paper.  
[printing]
2. Making the picture colourful, detailed and interesting is \_\_\_\_\_. [embellishing]

### **3.2 Gìñgú shàkqallá thá hu u tháábá (alhíssa 12)**

#### **3.2..1 Mbá shákqallá aň dqukqúnuň**

**Alhádafá addarsalé**

- Ashan geedí gárra guudqá dííñu thá shúlíndu talátayú álá ábadqíñegú thálé máré gúgudqíňa mandáň mandáň.
- Geedí madíne guudqá álá kqala mártheqí máré pqúlíňa ahapqúnáátheqí.
- Áláállama geedí dííñí ábarshíňa mandáň mandáň u thá arráha
- Álá kqala geedíe máré mumulíňaqí aň dqukqúnuň ma maré álé dqíñí almízáná maré alú.
- Álá mágína geedíe assura mágíni ímulíňaqí ma maabí álé dqíñí almízán alú.
- Álá shákqala assúra mágíni ímulíňaqí ma maabí álé dqíñí almízán alú.
- Álá tháma geedíqí tha albál bakqá dúrra márégí
- Álá állama geedí shímbíríňa shambá zííné thá belló.

#### **Gíñ pqadí addárs**

- Dííñí
- Assúrá mágíni almízán alú dqííňaqí.
- Assúrá mágíni shímbíríňaqí.

## Gíñ shákqallá añ dqukqúnúñ Guudqá dííñu

Guudqá dííñu náfaqí busqíkqe íqabíbídíñueqí u náfaqí físh sha álé jáhase tháñ aqílíngúnuñeqí Guudqá dííñu náfaqí sha áné ápqíshíña bíshí alfash-fásh u barshíñá kqafathú. Ma sharí ma mbálé ábadqíñ huqí físh.

Guudqá dííñu añ dqukqúnuñ ñínéñ gúdqíláne álá damá dííñiqí na ndu alú tháábá álá baró áshímbíríña maagundí, thaaratheqí u thaarathé maa-gundíeqí ma maabí álé gúgudqíñí. Ágéédí hóloñoníñ damá dííñiqí na ndu alú máré áshímbíríña ma gadímáñ aléshíñ gúgudqíñí thá dííñí bíshí. Álá shúríña thá hu holloñoníñ álá damá dííñiqí na ndu aluqú tháábá hol-loñoníñ álá baró gúgudqíña thá hu dqukqúnuñ. Álá físh gúgudqíña ma maabí álé buní añ dqukqúnuñ u ma maabí álé shepqéní.



Assúra 3.9 guudqá dííñu

## **Shambá daalá addársale**

Aqílile ashan shákqal géédí bílo u mushañí álá kqala mártheqí mare mádíña geedí bádaqanéqí.

- Daa geedí taláte dííñí dqukqúnuñ.
  - Álá águdqíña dííñígú tha almedánu.
1. Águdqíña geedí thá hu holloñoníñ añ dqukqúnuñ

Á géédí holloñoníñ damá dííñiqí na ndu alú máré ábarshíña ma.

gadímáñ álé gúgudqíñí máré állame tháñ.

- Álá államagú talátá máré máré gúúdqa ma dííñí álé wassaíí thírí na ndu.

2. Álá daa geedíe dííñí náfar náfar máré áshímbíríña maagundíeqí u thaarathéqí máré állama guudqa tháñ

3. Á géédí gúúdqa ma máré álé shu shúpqíñ alú pqishí álá áhuluqí tha aqílí busqíkethúle.

\* Álá áshurúñá geedí tha arok 4 wálla 5 ma maré álé gúdqí

\* Albadalá gúdqímáréne añ dqukqúnuñ máré gúúdqa ma maré álé shushúpqíñ alú.

## **Azañzaña maabí ágarrañíeqí**

- Álá ágííthíña geedí busqíkqe íqabíídua gubal máré gúúdqa dííñí alú
- Assaqá gúdqí máré ma maré álé shupqí alú álá águdqíñagú míñ 3-5 u míñ 6-10
- Geedí bádaqa guudqa ma holígú álá ábadqíñegú bakqá híbí máré añ.

## **Thoñoríndú daaláne tháñ físh**

- Álá áshuríña geedí tha arrok 4 ma squríñuqígu alá daaga dííñí náfar náfar
- Alá águgudqíña ma madqúgundí alá kqala gagú” bádaqa”
- Máré baró gúúdqá míñ 3-4 dagíga ma mare álé harí haará madí máré
- Ma máré álé shúríñí shambálo álá águdqíñagú fish míñ 4-4 dagíga máré bírthíñá.
- Álá daagà ashúkqulá namuqí fish añá shúríñ mírá álá kqalagagú máré lágazíñé tháábá pqííshíeqí u tháábá gambíeqí ma máré álé gúgudqíñí.
- Álá áshuríñagú tha assátqur máré thóóha arrókí tháñ
- Tha assátqur alú álá gía alqalamá ma squríñuqí thá 25-30 mítír álá kqalagagú “bádaqa” máré thulá ma máré álé gúgudqíñí lé añá zíí alqalamá, máré físh mathó áñá hoolóó máréyeqí.

## **Almízán alú dqíñia**

### **Shambá daalá addárs alqáwal**

Gíñ kqalgala almízán gídí almáqana míllañ lakín tha addársaleyú gíñ kqalgalá almízán huluqí tha ímulíñale.

Gíñ gíí géédí mbá dqíñga máré almízán alu kqíllíñ haíga máré maabí ndú huzúzu tha ashúkqulá gímnastíkuyú ma kqálagalagú 1.2 wálla thabá gambi, thabá pqííshí mbá pqííshí míllañ mbá gíí máré tha alú máre mmaané. Alíshan shúgo maabá ágarrañí gíñ gíí géédí tha addársaleyú álá pqúlá märthe shamba gíí märéne ma pqíshí.

## **Shambá daalá addárs attání**

Álá shákqala geedíe gíñ holí thá bulueqí mbá pqúlín almízán alú dqííñaqí.

Álá áshakqalthíña geedí máré záá tha assátqur are ma pqíshí mare dqííña almízán alú

Álá thóthohíña huqí álá shúríña thá hu dqukqúnunuñ

Álá ábíídu huqí álá shúríña thá hu dqukqúnunuñ u hú máñ shíñ álá rúsqa thaarathéqí máré átqawalíñaqí

Álá físh áshakqalthíñagú máré rúsqa hú máñ maaqundí u máré átqawalíñe.

Álá áshakqalthíñagú físh máré rúsqa hú máñ alú thoñor thá thééleyeqí

### **3. Mbá tqúkqusqígala hu**

Álá tqúkqusqa hú máñ thoñor thá thééleyeqí álá aqshakqalthíña mare.

- Álá tqú kqúsqa hú máñ maagundíeqí álá áshakqalthíña mare.

### **4. Álá áshakqalthíña geedí máré múfa gushuñámáre tháábá holloñoníñ ma maré álé záqí**

### **5. Álá álíkqísha alú u álá dqííña almízán alú thá hu dqukqúnunuñ.**

- Álá rúúsqa thabá alú thá thééleyeqí u álá ádamu huqí álá shúríña
- Álá áshakqalthíñagú mare álíkqísha alú máré múfa hú thába gambi u máré áfaruyú.
- Álá áshakqalthíñagú máré ádamu huqí máré shúríña
- Álá áshakqalthíñagú máré ábíídu huqí u máré hásqula (ráfaqa) thá shooreqí
- Álá áshakqalthíñagú máré ádamu huqí u máré shúríña ma bííduqí

6. Álá ashakqalthíñagú máré fía añ thá gushuñ dqukqunúñ u märé

dqoñósha thá hú máñ alú máré rúúsqa thabá alú thá shooreqí

7. Álá ádídíña geedí thá sqídqía ndu alú wálla tha alkúrsí alú ma mare álé

dqíñí almízáná thabo alú. \*\*\*\*\*

- Álá adá tha alkursí alú thá théele
- Álá áshakqalthíña adídíñ míñ tháába gambit tháábá pqíshíeqí
- Álá áshakqalthíña adídíñ míñ tháábá pqíshí tháábá gambíeqí

Álá áshorthíñagú ma shílé álá fish ámothíña maréyú

### **Shambá daalá addárs atálít**

Almízán alú dqíñí assáqá ábíbídíñulá busqíkqeqí dqafa ruqí tha almí zán alú dqíñí assáqáñgúnúñ ashan almí zán dqínlá alú thá busqíkqe boolókqedqe.

Geedí gárra shúlíndùle ashan gárra shambá dqínlá almízáná busqkqethú alú thá shúlíndú buluyú walá ma m1rthé mbá tqokqoló thále. Thá shúlín-duleyú álá ázañzaña geedí mbá gárra mare u álá pqlá márthe na alfaídákqedqe álá móótha mártheyú.

### **Álá dqíñí almízán alú álá shapqeníña thá aqakqa alú**

- Álá gássama geedí álá áshuríñagú tha arok
- Tha arrok kqíllíñ alú álá gía dííñí mbá squríñí míñ

20 le 30 mítír u álá jáhaza assátqur u álá ásha kqalthíña geedí tha assátqur alú mare shúríña thá hu alú u máré áhatha thabá thá shooréqí mare baró shepqeníña

1. Geedí shúríñí tha assátqur kqíllíñ alú

\* Máré rúúsqa thabá alú thééleyeqí

\* Máré áhatha thabá alú shooreqí

\* Máré tháma thabá thééle u maagundí máré baró shepqeníñä ma  
mare álé dqíñí almízán alú

\* Mín mbá záá máré baalá shúgo máré lágazíñä aré maagundíeqí máré  
baró mathó aňá zío mareyeqí

2. Álá shárfata geedí tha almedánú álá kqalagagú máré tqúkqusqa  
húmáre dqukqnúñ u máré damé tháábá máré baro shúríñä míñ 8-10 sek-  
ondí ma maré álé dqíñí almízán alú máré fish shákqala shambálo thá hú  
máñ

\* Álá damá huqí tháábá álá gúgudqíñä míñ 5-10 sekondí u álá fish  
thóóhagá huqí.

### **Álá sepquéna tha alkúrsí alú ma maabíálé dqíñí almízán alú**

Álá gássama geedí tha arrók árbaqa álá baró1 daagá alkúrsí dqúkqunuñ,  
dqúkqunuñ Alkúrsí íyú dcaaňákqedqe ma tímmá 30 sentí mítir u  
sqríñákqedqe shin 1-2 mítir pqíshí míllañ

1. Á máába ágarrañí daagá márthe ndú máré háá tha alkúrsí alú mare  
baró guuzu shambá fédqí thabá thééleyeqí

- Álá shepqéna ma maabí álé rusqí thabá thééleyeqí

- Álá shepqéna ma maabí álé áhathí thabá shooreqí

Álá shepqéna thééleyeqí

Álá shepqéna thééleyeqí

## 2. Tha alkúrsí alú


Álá áshushuña thabá ma maabí álé gúgudqíñí

Álá áhatha thabá u álá móótha ma maabí álé shepqéní

Álá áhatha hu thaarathéqí u álá móótha ma maabí álé shepqéní

Álá shúríñá thá hu dqukqúnuñ álá fuudqa thabá maagundí álá álíkqíshe  
álá mumúlíñá huqí

Álá áshakqalthíñá geedí máré háá tha alkúrsí alú u máré buthé shambá  
zííné tha assure buluyú.



Assúra 3.10 Álá shepqéna tha alkúrsí alú ma maabí álé dqíñí almízán alú

Álá dqííñá almízán tha ashúkqulá thabo u mbáhú

Álá shárfata geedí ths almedánú álá áshakqalthíñá ashúkqulá thabó u  
mbá húgú mare állame than.

1. Álá rúúsqa thabá alú thá thééleyeqí álá álíkqísha alú u álá fish  
áhatha alú máré shákqala mandáñ man dáñ míthíl atqayára.  
Assáqá shákqal máréné máré àlé shímbíríñí

2. Añá shúríñ máré, mare ahathíña hu thá shooréqí. Thambáleyú álá mumúlíñe thá huule sáwa.
3. Mín añá shúríñ mare, máré áhatha hu thá shooréqí máré áshushuña maagundíeqí u thaarathéqíu álá guuzu thá hule sáwa.
4. Álá áhatha thabá alú thá shooréqí u álá áhatha hu alú álá shúríña thá hu alú u álá thaaqá álá fish shúríña ma pqíshí.

### **Shambá daalá addárs arrábe**

Álá shepqéna thá sqísqía ndu alú ma maabí álé dqíñí almízán alú  
 Álá áshuríña geedí ma madqu gundí thá sqísqía ndu alu  
 Mín mbálo álá áshakqalthíña aguzua dqafaruqígú thá sqísqía ndu alú  
 Alíshan bakqá rushí géédí ma maré álé shepqéní thá sqísqía ndu alú,  
 álá jahazagá gwwsí pqadínegú míñ thírí

1. míñ mbá há máré ma madqu gundígú thá sqísqía ndu alú

Mare rúúsqa thabá thééleyeqí mare shepqeníña

Máré áhatha thabá thá shooréqí shooréqí máré shepqéna hu nduyu 5 le  
 10

Máré thámá thabá tha alúyu máré shepqéna ma máré álè dqíñí almízán  
 alú máré matháthí míñ 5-10 marrát


2. Máré shúríña thá sqísqía ndu alú

Máré rúúsqa hu dqukqúnuñalú máré guuzu tháába máré fish shákqala  
 thá hú máñ

3. Máré shepqeníña thá sqísqía ndu alú máré hársga añ añá hársgó hú  
 mañ añ ma maré álé dqíñí almízán alú

## Shambá daalá addárs alhámís

Shambá zííné tha assure buluyú álá há thá hu dqukqunúñ tha albámbar alú álá fish áha hú máñ u álá buthé thoñor añá háolá



Assúra 3.11 shúríña tha albámbar alú ma maabí álé dqíñí almízán alú

Shambá madíláne tha assúrayú álá há tha albámbar alúe, álá álíkqíshe, álá rúúsqa thaba thírtheyeqí u álá hásaba míñ 1-4 álá baró gúúdqá thá hu hollo ñoníñálá lufá tha almárteba alú.

Mín mbá háálá tha albámbar alúe álá átqawalíña hu dqukqunuñí tha alháwayú. Tha mbáleyu, álá ábídu hu alúqí, álá rúúsqa thabá alú, busqí kqí míñ thééle thá shooréqí álá ábíduqí álá baró shákqala thá hu hol-

## Azañzaña maabà ágarrañìe

- Álá jáhaza alkúrsí u albámbar tha alqádadá geedú
- Ma álé államígú géédí ñgunúñ tháme thá albál ma pqíshí.
- Álá tháme thá albálgú bakqá shákqal máréné ma sharí ma mbá államóólá maré

## Shímbíríña

### Rotha arekqedqe


Álá shárfata geedí tha almedánú.

Mín mbálo álá áshakqalthíña shímbíríña u ílakqañkqañagú

Ma álé shákqal máré álá thámagá albálgú álá fágada mbá shákqalne  
ma pqíshí álá kqala ñínéqí ané mädíña ahapqúnaatheeqí.


Geedí hoshalne tháñ shíñ märé daagá arraqí

1. Álá áfaru huyú u álá múúfa sqakqa tháábá álá baró ahatha hu thá  
shooréqí míni tha sqakqayù u álá shímbíríña mandáñ.



ASsúra 3.12 shímbíríña míthíl alqarabía hu

2. Álá thasqá u álá rúúsqa thabá alú thaarathéqí álá álíkqísha doño  
thírtheqí, álá múúfa sqakqa tháába álá lakqañkqañe thá gudí u thá bua alú  
álá baró ahátha.



### Assúra 3.13 ílakqañkqaña

Geedí gádar ílakqañkqaña thaarathéqí u maagundíeqí álá ábadqíñegú märé lákqañkqañe.

#### **Shambá daalá addárs alqáwal**

- Geedí ílí geedí alfasílú kqíllíñ.
- Gíñ illa tháñ almártaba.

#### **Shambá thárlá aqíllíqí**

Álá gássama geedí tha arrók holloñoníñ ma namuqígú álá áshuríñagú ma squruñuqí thá mítirén mare lágazíñá are añá zíigá máábá ágarrañíeqí

#### **Aqíllí**

Geedí holí thaarathéqí mare lókqañkqañe. Geedí holí tha arrók gundí shíñ mare rúúsqa hu u märé básha añ thá gushúñ á géedí ñgunúñ shepqeníñá alú.

#### **Azañ zaña maabá ágarrañíeqí**

- Sha álé lákqañkqañe, áwal álá múúfá sqakqa tháába.
- Álá ádamu hu holloñoníñ álá thasqá.
- Álá tháma ñeesqá busqkqethú tháába alú míñ mbá tqukqúsqí thába míñ thá kqóñkqoloñ álá áhía alú thá bíshí arethéqí álá baró lákqañkqañe.

- Tha mbáleyú ashan bakqá shapqúthí géédí sqakqa tha alú u máré dúrraqí álá thámaqá albálgú ma pqíshí.

### 3.2.1 Bridging Activity

#### Word Bank

Rolling - Amidqiñkqiró


Skipping rope - Diiñíguudqa

Jumping - Guudqa

Stepping - Shepqena

Rotating - Shimbîrîna

Balancing - Shuríña tha almízán



1. In the picture, Genet is \_\_\_\_\_ [jumping]
2. Genet never falls down while she is doing this kind of exercise.  
She is very good at \_\_\_\_\_ [balancing]
3. The game that they are playing is called \_\_\_\_\_  
[skipping rope]
4. Meseret and Addisu are \_\_\_\_\_ the rope [rotating]
5. Genet can stop the rope by putting down her feet and  
\_\_\_\_\_ on the rope [stepping]
6. This picture shows a child who is \_\_\_\_\_ [rolling]

### **3.3 Gíñ shà kqallá male thóthohíñgalá áñí**

#### **Alhádafá addarsalé**

Mín mbá kqódí géédí addársale gádarígú máré

- Mádíña gugudqíñe ma pqíshí
- Mádíña shepqenaqí u gugudqíñaqí
- Íila aqílí gagíñugalá.
- Geedí gárra gugudqíña thá shúlíndu talátayú. Álá móótha mártheyú thále sha ané hía máré alú ma pqíshí.
- Álá águdqíña geedí añá zíí tha annúsá assatqur holloñoníñ alú.
- Álá águdqíña geedí gíñ squríñí alú mín 30-40 s.m
- Álá águdqíña geedí gíñ gúgudqínlá alú mbá madqu gundí walá ma shúríñga máré hu.

#### **Shambá ágarrañlá addarsálé**

- Álá shákqala geedíe gugudqíña u shepqena ma pqíshí álá mádíña mártheqí.
- Álá ábadqíña geedíqí máré gía gíñ maadó máreqí
- Geedí madíne shakqalá álá kqalagágú máré mádíña ahapqúnáátheqí
- Álá mádíña geedíe assúrá mádíñ gugudqíñaqí u shepqenaqí.
- Álá pqulá geedíe alkqanúná áqílí gagíñugalá u álá áqílhíñá máré kqíllíñá mare.

#### **Gíñ pqadí addárs álé**

Assúrá mádíñ gugudqíñaqí u gíñ íllá aqílí gagíñugalá than.

## **Gugudqíñá**

### **Shambá daalá addársálé**

- Álá gássama geedí tha arrók árbaqa u álá bakqa añá káffaqí tha annúsu.
- Álá shákqala álá mádíñá geedíe u álá shíñ kqala márthé márre shákqala tha arráha u mandáñ mandáñ.
- Á géédí hoshala maabá ágarrañí tháñ márre lágazíñá doño tháábá gambíe u tháábá pqííshíeqí.
- Álá ásquríñu huqí álá tqúkqusqa bua thá thééleyeqí u álá shákqala shímbírá dqáñiyu.
- Álá rúúsqa thabá thírtuheyeqí u álá áshímbíríñá bua alú thaarathéqí u ma agundíeqí.

Álá hásaba aqílíqí álá shákqala thá geedíle u álá baró kqala mártheqí márre shákqala thá boolómárre u márre máthíñá thí.

Shá alé thará aqílíléqí álá ádamu hu holloñoníñí míñ mbálo álá álíkqíshe álá múúfa sqakqa tháába u álá áhatha doño alú. Mín mbálo álá tháma ñeesqá busqkqethú thá hu alú alá baró águdqíñá thaabá thaarathéqí. Mín mbá lufí thába thá sqakqayú álá tháma ñeesqá busqkqethú thaabá alú álá águdqíñá hu thaarathéqí.

### **Azañzaña maabá ágarrañíeqí**

Shambále álá thóthohíñá ñeesqá busqíkqethúqí míñ tháábá thá hueqí u míñ thá hu tháábeqí álá gúgudqíñá tha hu u tháába. Álá shákqala ma shá bbaha aguzua gíñbúúshú holí tha adááru.

**Másal** :- Shambá gudqí bóñosh.

## **Guudqa thá hu holloñoníñ thaarathéqí**

- Álá áfaru thabayú ma huluqí thá bíshí arelé u álá shúríña ma bí-íduqí álá jáhaze aqílÍeqí.
- Álá tqúkqusqa hu míñ thá gushuñí álá áshushuña thabá míñ thaarathéqí maagundíeqí álá gúúdqa thá hu holloñoníñ. Álá tqúkqusqa gushúñ u álá álíkqísha busqíkqe álá baró gúúdqa thá hu holloñoníñ
- Álá thasqá u álá damá théeleqí álá baró gúgudqíñä thaarathéqí.

## **Shepqena u gugudqíñä**

### **Shambá daalá addársálé**

Sha álé thára aqílí álá áshuríña geedí tha arrók

Álá pqlá geedíé gíñ gárra máre sha shepqena u gugùdqíñä mmaané.

Mín mbálo álá áshepqeníñagú thaarathéqí.

Sha álé shákqalá álá áfaru huyú u álá álíkqíshe.

Álá múúfa sqakqa tháába álá áhatha doño alú álá jáhaze.

Mín mbálo álá tháma ñeesqá busqkqethú thá hu alú álá fáásqa thabá thaarathéqí.

Tha mbáleyú álá gádara busqíkqe agudqíñä thaarathéqí tháábále sáwa.

Thabá assáqá wásalné thá sqakqayú álá tháma ñeesqá busqkqethú tháába alú álá baró águdqíñä hu.

## Aqílí gagíñugalá

### Boríd u pqero


### Rotha aré áddarsalé u shambá thárláne

Álá gássama geedí ma namuqí tha abuura holloñoníñ u álá jáhazagá almedáná ílí maré thayú mbá dqáñíyu míñ 20-30 mítír. Álá daa abuura dqukqúnúñ hu sha boríd u abuurá mañ shíñ pqero. Álá áshuríña abuura maré holloñoníñ ma gothu are u ma squruñuqí thá mítíréñ. Assáqá thárlá aqílí, abuurá squllá hu áné gaga abuurá máñ. Shá géédí zañzañá álá squalá alhárífá alqawalú hu taláta marrát u álá daa geedíe 2 sekond wálla 3. míñ mbálo álá squalá hu kqíllíñ. Abuurá squalóóla hu áné gaga abuurá máñ. maabá mülínláqí gubal áné dqafára añá ma daadó alú goorálayúno álá áshehere míñ tha aqílíyu.

Maabá walá mulóóle áné ádamu aqílí ndu lé míñ áné kqóóda.

### Alkqanúnákqedqe

- Sha álé thará aqílígí álá sqúlá abuura hu
- Alqádadá abuuró namuqí
- Azzámaná hasqúlí áqílí taafagúgalá
- Shapqutha tha ashídda u hu maamár ma manaqá
- Mín mbá kqódí áqílí abuurá mulóógalá maabí bíílóqí ñínéñ goríyú



Assúra 3.14 Aqílí gagíñugalá

### **Shambá daalá addárs attání Aqílí gagíñugalá, mulalíqí**

- Geedí alfasílú kqíllíñ ñínéñ ílne.
- Gíñ thíkquqí kqíllíñ ñínéñ illáne tháñ


Álá gássama geedí alfasílú tha abuura holloñoníñ álá gía manáñ ma mbá gagí u manáñ shíñ ma mbá gagíla.

1. Álá pqúa assátqur hollóñoníñ ma gothu are abuurá gagíeqí u mbá gagíleqí u álá físh pqúa assátqurá máñ fish ma squríñ áñ thá 50 mítír.
2. Tha assátqurá maagundú gundí álá áshuriña geedí gagí ma squríñ añí thá 3 mítír.
3. Tha assátqurá thaarathú alú álá á shuriña geedí gagíla.

#### **Shamba illáne**

1. Ma maabí kqála sha tháre á géédí thulá thaarathéqí geedí gagíla sha bakqá múlínlá maréqí máré múlíñá assátqurá zíí thá 50 mítír alú lakín magú mulaláqí gubal máré wásala assátqurthí goorá layúnogú

## 2. Abuurá gagóóla áné shíñ gaga álá ádamu aqílí gundí



Assúra 3.15 aqílí gagíñugalá

### **Shambá daalá addárs attálít**

Maabí ílne : Geedí alfasílú kqíllíñ.

Shambá thárla aqílí: Álá gássama geedí alfasílú tha abuura hollóñoníñ ma namuqí u álá áshuríñagú thá shímbír u álá kqalagagú físh máré squalá annímíra, máré shúríña thá shímbír hu, máré rúúsqa thaba alú máré múfa ahapqúnááthá tháñ na bua alú.

Assáqa thárla aqílí abuurá fíogá alqud áné gaga ahapqúne.

Aqílí : sha álé thára aqílí maabá thárné áné squalá annímírá fédqíne.

Maabá gagí áné gaga ahapqúne áné mule gubal áné wásala aña zíone ma mulané áné shúsha ma alkqanímá kqedqe walá ma mulané shíñ álé shúsha ñine ma alkqaníma.

Maabí holí tha abuurayú máré ádamu aqílí ndu lémín á annímíra kqóóda mbá sqúllá hu.

### **Ndu mootha**

1. Assáqá thúlla walá maabí mathí maagundí sha álé múfa wálla álé dqafára.
2. Álá áthothohuñu abuuraqí mbá gagóóqí álá shíñ gaga.

## **Shambá daalá addárs arrábe**

Álá gássama geedí tha abuura hollóñoníñ ma namuqígú álá áshuríñagú tha shímbír álá kqalagágú máré sqúlā annímírá míñ wáhíd (dqukqúnúñ) ma mare álé shúríñí thá shímbír hu u máré múfa ahapqúnáátha na bua alú.

Sha álé thára aqílí, abuurá fíógá alqud ñínéñ gagí sha álé thára aqílí á ábuurá gagí squlá annímíra fédqíné maabá squlóólá hu áné buuna thá shímbír hu. Maabá gagí áné gaga ahapqúne áné mule gubal áné wássala añá zióné ma mulané áné shúsha ma alkqanímákqedqe. Walá ma mulané shíñ álé shúsha ñíne ma alkqaníma Álá ádamu aqílí ndu lemín álá squlá annímíra kqíllíñ hu.

### **3.3.1 Gíñ ílla ma álé náfagalé tha alqídda**

**Alhádafá addarsalé:-**

Mín mbá kqódí géédí addarsalé gádarígú maré

- Laaña alkúra u máré áshuríña hu

**Shambá ágarrañlá addarsálé**

- Álá áshuríña geedí tha ahóz máré állama alkúra laaña u hu ashuríña.
- Álá pqulá geedíé shambá lañlá alkúra u mbá áshurínláne hu u álá mádíña mártheqí.
- Álá állama máré mbá huluqí tha addárajá shúlíndu maréle u máré mamáthíñathí

**Gíñ pqadí addárs álé**

**Alkúra**

Gíñ íllá mbá náfagalé tha alqídda hórí añ míllañ tha mbáleyugú dqukqúnúñ laaña u hu ashuríñá mmaané

### 3.3.1 Bridging Activity

#### Word Bank

- Kick - laaña
- Bounce - águgudqîňa
- Receive - múúfa
- Control - alú dqîiňa (hu ashurîňa)

1. Teacher should give some balls to the students and ask them to do the following (in English):


- a. Kick the ball
- b. Bounce the ball
- c. Receive the ball
- d. Control the ball

2. As the students are doing each action with the ball, they should say outloud the following sentences:

- a. “I am kicking the ball”
- b. “I am bouncing the ball”
- c. “I am receiving the ball”
- d. “I am controlling the ball”

#### Laaña u hu ashuríňa

Álá áshuríňa geedí tha abuura árbaqa u maré shúríňa ma squríňuqí thá 8-10 mítír.



1. Álá áshakqalthíñä geedí mbá shúríñí tha abuurá alqawalúyú á gádí mañ laaña ahapqúné alkúra mbá shúrúñí thaarathéqí tha abuurá mañú áné laaña thá huíyú thañthañú u ané baró adó shuríñä maa-gundí.
2. Geedí laañoó gala alkúra máré áshuríñä hu thá huíyú thañthañu u áné fish adá áné shúríñä maagundí álá áshakqalthíñä geedí kqíllíñ
3. Álá áshakqalthíñä geedí máré bakqá shuríñä tha assáf máré zía tha ajjóz máré állam alkúra laaña u hu ashuríñä.

## A/ Laaña thá hu

Alkúra gádargalá álá laaña thá hu. Gádargalá álá laaña alkúrá shúríñ hu tháñ u mbá adó tha alháwayú tháñ maamanañeqí. Alkúrá shúríñ hu u mbá adó tha alháwayú gádargalá álá laaña thá hu. Tha alkúra húyu alkúrá shúríñ hu álá tqú kqusqagá gushuñ u álá fíagá busqíkqeyú álá baró laaña thá hu alú. Alíshan shúgo álá állama geedí mare laaña alkúra shambá zíiné thá bulúeqí.

### I/ Hu ashuríñä thá hu

Alkúra hu ashuríñä álá náfagé tha azzáman álá múúfa alkúra álá laaña thoñor añá fédqígaláneqeñí. Alkúrá adóqí thírí wálla thá shor álá thá-áragá hu dqu kqúnuñ hu u álá tqúkqusqagá gushuñ baalá shúgo álá baró múfa tha hualú u álá áshuríñä hu gádargala fish álá ámuñu alkúra adoqíqí thírí wálla thá shor thá sqakqale álá áshuríñä hu Álá állama geedí máré áshuríñä alkúra hu mbá adoqí thírí wálla thá shor shambá zíiné thá bulúeqí.

1. Thá huíyú thañthañú
2. Thá hu théélé thuuthó /mbá zíqí míñ bílsqoñ lé hu alú baalá
3. Thá hu théélé thañthañu/ mbá zíqí míñ bílsqoñ le hu alú dqaañí

### 3.3.2 Bridging Activity

#### Word Bank

- Position - añ
- Team - abuura
- Team mate - maabí ábuura dqúkqunuñ

1. In football, there are two \_\_\_\_\_ who play against each other.  
[teams]
2. Each \_\_\_\_\_ has 11 players who play together against the other \_\_\_\_\_. The ones who play together on the same side are \_\_\_\_\_. [team, team, teammates].

### 3.4 Aguzua thá shá shapquthá almusíkqóle (Alhíssa 14) Alhádafá addarsalé

Mín mbá kqódí geedí addársalé gádarígú máré

- Gúgudqíña ma huluqí thá thá shapquthá almusíkqole, mare ká-áraba ma huluqí thá shapquthá almusíkqóle.
- Gúúdqá dííñí alú ma huluqí thá shapquthá almusikqóle
- Shákqala gíñ huluqí thá shapquthá almusíkqóle.

#### Shambá ágarrañlá addarsále

Thá shúlíndúleyú álá állama geedí máré gúgudqíña mandáñ mandáñ u tha arráha ma huluqí thá shapquthá almusíkqole.

Álá állama geedí thá gíné almusíkqó mbá shapqúthílá tha abuura u tha ajjóz máré állama.

Álá áhalthíña geedí gíné almusíkqoyú mbá huluqí thá dííñí guudqale, máré shíñ gúúdqá ma hulunè than.

Geedí madíne shakqalá álá kqalagagú máré madíña ahapqúnaathéqí álá pqulá márthé shambá gííláne u álá kqala márthe físh máré matháthí.

- Álá áhalthíná geedí almusíkqá alkqómíá dqafaruqíyu tha almusájel u álá állama maré aguzua rakqasqí alú than.
- Álá áqílhíña geedí almusíkqá madíhú tha adáárú ma álé beega máré thabáyu u gíné almusíkqógu u máré guuzugá.
- Ma gadaruoqí álá áhalthíña geedí gíné almusíkqoyú mbá algábíílá dqafaruqí mbá beelá mandáñ mandáñ u tha arráha ma maré álé guuzuqí.

### **Gíñ pqadí addársálé**

- Almusájel
- Gíné almusílqó mbá beelá

### **Rootha are**

Náñ kqallá “ shapquthá almusíkqo ?” Gíñ kqallá shapquthá almusíkqó kqalgala tha ndú Alqíngílizú sha “rítím” Gínlé huluqí tha azzámanle tha almusíkqayú. Mbále gígimáñ azzámaná hasqúlne mmaané. Imaadá thá boolókqedqe gíñ hasqúlí azzáman mmaané. Aguzua kqíllíñ alíshan gídí shapquthá almusíkqó kqássabí hatháñ sháñ hoshala tháñ.

Kqíllíñá kqedqe gúrí alfíkíráñkqa sháñ hoshala tháñ.

### **Másal:**

ma hatháñ hasqúla “tennis áfagadíñ hatháñé roothále ma pqíshí Maabá ílí teenís shapqúthí alkúra thá rakét. sha álé hoshala alkúra tháñ mínañ áháthóóné lé aña lufíné á pqíshíñ maabá madíné añ míllañ mádíñ azzámaná hasqúlne.

Gíñ físh hoshallá tháñ tha aqílí tenísúyú alkúra alú moothá mmaané.

Alkúrá shaapqúthílá alíshan shapqúthí lá tha ashídda azzámaná hasqúlné sha áné lufá thírí kqosqí míllañ. Alíshan bìrí walá gúrí alfíkírá famílu sha álé hoshala than.

Gíñ zíqí tha addúníayú kqíllíñ alíshan gídí aguzua walá zíqí mbá thohíqí míñ shapquthá almusíkqó. shapquthá almusíkqó zíé míñ mbá hálagálá maabí zíqí hássí u pqueríñ sha zíqí thaarathéqí. Aguzua gíñbusqí alu, mbá gíñbúúshu u mbá famílu u íthothohá awakítú kqíllíñ huluqí thá shapquthá almusikqóle. Shapquthá almusíkqó ma hoshaláña tháñ tha almusíkqa, shambá adí bóólóyu u mbá shúríñné hu mmaané.

Shapquthá almusíkqó bíshí shapquthá almusíkqó mmaané. Almusíkqa ma gígí thá shapquthale sáwa. Booloyú almusíkqó walá ma gíida shapquthá walá sqawarí u walá bádqíqí. Shapquthá almusíkqó thíkquqí ma sharí ma alláhja. Walá ma shílthíñé maabí gádarí álá shapqútha nagára álá íila tháñ másal maabí gádarí álé shapqútha aqílí alqadó buuna u murthá akaarabíña thá nagára maálé náfagalé tha alafé wálla tha asquesqeh. Alíshan shúgo álá náfaqí thá shapquthá almusíkqó álé gía gíñ dqafaruqí. Maabá táábaqa almusíkqa gubal áné hía tha alláhjayú thá okestíra áné maada shambá shapqúthíláne u áné táábaqa.

Aguzua kqíllíñ gídí shapquthá almusíkqó ñine thayú. Shapquthá almusíkqó shíñ gídí azzámanákqedqe. Shapquthá almusíkqó gídí thoñoríndú dqafaruqí u gássamlá sha mbá adí tha arráha, mbá annusú u mbá bírí.

Gubal álá ágarraña geedí haará álá thará shapquthá almusíkqó agarraña. Alíshan shapquthá almusíkqó ñínéñ pqadí maabí sha álé ádqañtháñá algúdurá almusíkqó. Maabí holígú mthíl karí Ary míñ thá Gérman kqalígú sha álé thará almusíkqaqí thá shapqutha shapquthá almusíkqó zíqí thá gíñ gídí arrúhú kqíllíñ thá roothayú tha aguzuayú u thá gíñ kqíllñú.

Shapqutha thíkqílá thá gíñ ma halagáyu u thá gíñ gía máabayú. Thá gíñ ma halagáyu shapqená u buuná famílu u mbá gíñ búúshu u thá gíñ gía maabayú shíñ thá almusíkqayú ñínéñ thíkquné.

### **Shambá daalá addárs alqáwal.**

- Alqáwal álá sqokqotha geedí máré kqééra gíñ hozílá hu mbá holí tha adáráramáreyú.
- Álá físh kqalagagú mare kqééra gíñ hozílá hu thá hu holloñoníñ u thá hu dqukqúnuñ.
- Álá áfagadíña shapquthagú mbá zíqí dqukqúnuñ, mba zíqí holloñoníñ u mbá madqu gundí.
- Álá kqééra hohóz hú u álá pqlá mártheqí.
- Álá állama maré tha abuura

Álá náfaqí tha nagára wálla thá almusajel álá áhozíña geedí tha almusíkqale. Álá ádqoñoshíña geedí tha almedánú tha arrók álá faró alú muñgúnuñ mare áhalthíña ahapqúnáátha almusíkqayú u á géédí ñgunúñ shíñ hozá thá húmáre.

Álá gássama geedí tha abuura 3-5 álá daagá nagáragú wálla gíné almusíkqó máñ u álá kqalagágú mare hozá míñ 1-5 dagída míñ mbálo álá buura alúgú añ dqukqúnuñéqí u álá kqalagágú máré mädíñá hoházámáreqí thá 3 dagíga míñ mbálo álá pqudága almusájelgú máré hozá tha almedánu holoñomíñ hóloñoníñ.

### **Shambá daalá addárs attání**

- Álá kqala geedíe maré gía gíné almusíkqó tha azzínk mushe, tha alkós u thá hodía bíiló.
- Gíne almusíkqó mbá alqadó maálé beelá tháába wálla thá gaagú máré áhalthíñayú na booloyúkqedqe.
- Álá gássama geedí tha abuura u álá áshuríñagú tha assáf álá baró kqalagágú máré bía gíné almusíkqó máré tháába wálla thá gaagú bíiló ma maré álé hárí. Geedí shúríñí tha assáf álá kqalagágú máré bía thabáyú ma maré álé shapqúthí añ thá hu.
- Geedí dám gíné almusíkqó álá áshuríñagú tha assáf geedí tha are u álá ábeethíña mare.

**Másal** : ma gía dím máré ánííru huqí, ma gía dím dím máré áfaru hu gundí, ma gía dím máré áhatha thabá alú, ma físh gía dím dím maré bía thabáyu u álá áshakqalthíña maré ma madqu gundí.

Alqáhír baró álá áshuríña geedí gídí gíné almusíkqó thaarathéqí máré bía ma maré álé barshíñí tha almedámú ma geedíñgúnuñ álé bee thabáyu u ma álé hozígú.

### **3.4 Bridging Activity**

#### **Word Bank**

- |   |
|---|
| <ul style="list-style-type: none"><li>• Riding – gundi haahó</li><li>• Tennis -tenís</li><li>• Paddle – Gíñshapqúthilá tenís tháñ</li><li>• Serve - dqaakqa</li></ul> |
|---|

Picture of two children playing table tennis

1. Alemnesh and Abdulnassir are playing \_\_\_\_\_ [tennis]
2. Abdulnassir starts the game with a \_\_\_\_\_ [serve]
3. Alemnesh hits the ball back to Abdulnassir with her \_\_\_\_\_ [paddle]
4. Alemnesh heard the sound of the horse running by while Ahmed \_\_\_\_\_ it [riding]

### **3.4.1. Gugudqíňa tha almusíkqale**

Gín gíilá thá gíné almusíkqóle dqukqúnuň gugudqíňá mmaané. Gádar-galá álá ííla tha arráha u mandáň mandáň tha asquesqehle. Aqílile alíshan ádqaníthíň aň gundí maada u bishí badqía álá áqílthíňa geedí ma madqu gundí.

Gugudqíňa gádargalá álá gía thá gíné almusíkqóle u ma shar ma gíné almusíkqó lakín álá pqulá geedíe sha thále thá gíné almusíkqole ñínéň gií márrene.

#### **Shambá daalá addárs alqáwal**

- Álá áshuriňa geedí tha assáf hollóñoníň, taláta wállea árbaqa.
- Álá pqulá geedíe sha gíñ gárra márre gugudqíňa tha almusíkqa mmaané.
- Geedí madíne gígí ma pqíshí álá faro alúgú thaarathéqí márre mädíňa ahaapqúnaathéqí.
- walá ma zíqíga gadí madíne gígí álá gía álá mädíňa mártheqí.
- Mín mbá madíne géédíqí shambá gíiláne márre shíň járaba.

## Azañzaña maabà ágarrañíeqí

- Assáqa shákqalne géédí álá kqalagá máré tháma albál gíñ dúrra maréyé na hu.
- Ma álé shákqal máré álá kqalagágú máré squruñuqí bakqá shapqu-thu mare.
- Alíshan shìlthíñí maré shákqala míñ 30 le 40 sekondí máré baró shóóra.
- Álá táábagagú máré mamathíña thí ma pqíshí.

## Shambá daalá addárs attáání

Álá áshuríña geedí tha almedánú thá shímbír. Álá áshurínña geedí 8 lé 10 thá shímbír níníyú. Álá kqalagágú sha míñ mbá halí máré nagárayú assafárayú wálla almusájelíyú ma álé hárí máré shíñ gúgudqíñä thá shímbír níníyú. Álá kqalagágu míñ mbá nagásí assot máré shúríña hu u míñ mbá shúríñné hu máré dqoñósha. Álá táábaqagú máré shákqala shambá kqalóóláne mártheqí u mare matháthí.

Geedí shólne gígí máré dqoñósha u álá shákqala lémín á gadí dqúkqunuñ gashá. Mín mbálo álá ádqoñoshíñagú añá máré u geedí walá shákqalóóne álá áshakqalthíñagú álá áshakqalthíña geedí kqíllíñ .

Álá thóóha aqílíqí hohózeqí álá gía thá thoñoríndú namuqí.

## Azañzaña maabá ágarrañíeqí

Ma shar ma mbále ma zíqí thoñoríndú pqíshí thá geedíle álá áshakqalthíñane maré than.

Ma maré álé gúgudqíñí tha almusíkqalé máré álíkqíshe, máré mufa gushuñámáre u máré thasqá

### 3.4.1 Bridging Activity

- Field - gurlalmedán
- Athlete – maabá arriadó/maabá busqíkqeñí abibidíñuó

1. Ahmed and Abdulkassir are \_\_\_\_\_ who are going to play football. Ahmed told Abdulkassir that he would meet him at the \_\_\_\_\_ where they will play. [field]

### 3.4.2 Kaaraba tha almusíkqa


Almusíkqá kaarabó gádargalá álá mädíñe tha asqueskeh. Shapquthá kaarabó mädíñle thé wahíd sítasharawí u thé wáhíd alhámís “nota” ma ámadquolá gundí áné daa shapquthá kaarabó. Álá állama geedí tha almedánu märé kááraba míthíl murthá.

#### Gígígú

- Álá áqílhíña geedí shapquthá buunó thé shapquthá kaarabóle sítqáshar ma dqukqúnuñ.
- Álá áqílhíña geedí shapquthá shepkenó 20 thé shapquthá kaarabóle 30.

#### Azañzaña

Gígile áqílhíña geedí tha abuurá á ábuura máñ gía tha asqueskeh u á ábuura máñ shíñ gía thé kaaraba.



Assúra 3.17 murthá akaarabíña

### Shambà daalà addàrs alqáwal

Álá áshakqalthíña geedí shapquthá kaarabó thá gíné almusíkqó u máré bíagá thabayú.

- Álá fará geedí tha almedáneqí mare ííla shapquthá kaarabó íshírín tháábayú bebé u thá nagàra.
- Á gèédí ííla shapquthá kaarabó áshara u íshírín thá shapquthá buunóle mbá shepkenóle.
- Á geedíe máré mágína shapquthá shepkenóqí, mbá buunoqí, mbá guudqoqí u mbá kaarabóqí
- Álá kqála geedíe mare tqoora tha almedánu ma máré álé gúgudqíñí u ma máré álé káárabí míthíl murthá máré bíagá asqueskeh.
- Alqáhír baró álá áshakqathíña geedí assúra mágíñ shapquthá kaarabóqí.

## **Shambá daalá addárs attání**

- Shà géédí mágdína almusíkqá kaarabóqí álá áshuríñagú tha assáf mare thúlá tha almedánú.
- Álá gássama geedí tha abuura álá ábunthíña abuura dqukqúnuñ tha almedánu u abuurámáñ shíñ álá kqalaga máré kááraba mí mbá halí mare assafárayú le 30 mítír.

### **3.4.3 Dìiñí guudqa thá almusíkqale.**

- Álá ákaarabíña abuura dqukqúnuñ 50 mítír u abuurá máñ shíñ áné shepqéna áné mathóó are.
- Álá áshuríña geedí hólloñoníñ hólloñoníñ álá kqalagágu mí mbá madí maré alqalámaqí máré thulá añ dqukqúnuñ u mí mbá halí máré assafárayú máré kááraba u máré shimbíríña tha almedániyú.

## **Azañzaña maabá ágarrañíeqí**

- Álá áshora geedígú mí mbá shílí máré .Álá nágasa alqádadá geedú ashan bakqá dqalu máré alú ma máré álé thulí.
- Gíñ shákqaló géédí gubal mbále álá ásawaríña mare.

## **Shambá daalá addárs attálít**

Sha álé thára aguzualé á géédí áfaru huyú mí mbaló álá áhatha hú thabá gambi alú álá gúúdqá tháñ u mbá pqííshí shíñ álá dqaakqa maagundí álá baró kááraba. Ma maabí álé káárabí álá tháára hú gambí hu kúlliyóm u mbá pqííshí shin áné zíá maagundí.

Aguzualé thá hú thabá gambi ñínéñ gííláne álá águdqíñ thaarathéqí ma maabí álé thúlí u thabá holloñoníñ shíñ álá tqúkqusqa thá bíshí are-théqí u álá áshushuña thaarathéqí u ma agundíeqí.

Álá állama geedí mare guuzu mí mbá hal máré shapquthá kaar-abóyu.

### 3.4.2 Bridging Activity

#### Word Bank

- Drum -Nagára
- Tempo – Tembó/Biirá almusíkqó

1. During the festival, Alima was beating a \_\_\_\_\_ [drum] (picture of a drum).
2. When Alima beat the \_\_\_\_\_ faster, the \_\_\_\_\_ sped up and people danced faster. When Alima beat the \_\_\_\_\_ slower, the \_\_\_\_\_ slowed down and people danced slower. [drum, tempo, drum, tempo]

### 3.4.3 Dììñí guudqa thá almusíkqale.

#### Shambá daalá addársalé


- Álá fará geedí tha almedáneqí álá áshuríñagú tha assáf u máré bakqa añá káffaqí tha annúsá máreyu álá baró kqalagágú sha mí mbá halí máré assafárayú wálla nágárayú máré gúgudqíña míthíl maabí gúdqí dííñí ma maré álé áshushuñ thabámáre.
- Álá shapqútha nagára tha arráha u mandáñ mandáñ mí mbá shíñ halne géédíyú máré shíñ gúgudqíña mí 15-30 sekondí.
- Álá áshuríña geedí holloñoníñ thaarathéqí alá daagá dííñí squruñígú máré damé na ndu alú mí mbá halí máré almusíkqayú máré áshushuña dííñí á géédí madíne guudqá shíñ gúgudq íña máré mí 15-30 sekondí

- Geedí walà gádarné álá ásarabíña maré , geedí dámí dííñí álá thóóhegú álá shàkqala dííñí guudqa tha almusíkqa ma shabba huqí u álá ádamuqí sha áné muusqa geedí busqíkqe u áné ásqara maré aluyú.

### Azañzaña maabá ágarrañíeqí

Shá géédí állama mandáñ álá shapqútha gíné almusíkqó thá shapqutha baalá ma álé shíñ táábaqa géédí. Ápqíshíñ márthe ashúkqulá pqueríñí.

- Thá shúlíndulé bakqá gúdqí géédí dííñí áktar míñ 35 sekondí
- Álá állama geedí tha almusíkqá pqíshí mártheqí 3-5



Assúra 3.18 guudqá dííñu

### Shambá daalá addárs alqáwal

- Álá áshuríña geedí tha assáf tha almedánú álá pqulágagú shambá fágadí máré thoñoríndu thá guudqa. Álá águdqíña geedí thá hú dqukqúnuñ añá zíí máré míñ mbá kqalgalánegú sha mbá pqíshí máré gúúdqa thá hú pqíshí u míñ mbá kqalgalánegú sha mbá gambi máré gúúdqa thá hú thabá gambi lamina máré wássala añá holómáré.

- Álá gía shímbír thá sqakqayú tha bubuda wálla thá sqakqá fuudí ma squruñuqí thá mítirén álá baró áshuríña geedí tha assáf máré tqúkqusqa húmaré u máré gúúdqá thá hu dqukqúnúñ míñ thá shímbírámañú lé thá shímbírámañú.
- Alqádadá shímbíru tha assátqur dqukqúnuñú thá hu dqukqúnuñ maré záá tha assátqurá gogolñuqí lé aňá zíí gádí álafí aň alú u maré mathó are. Álá físh gía shímbír thá sqakqayú u álá mádíñe thá mundí á géédí gúgudqíña thá hu holloñoníñ míñ thá shímbírámañú thá shímbíramáñúeqí.
- Ma geedí álé gúdqí dííñí tha almusíkqalé álé shapqutha márthé shapquthá huluné tháñ maré állama tha abuura.

### **Shambá daalá addárs attání**

- Ashúkqulálé alíshan madí géédí u múshañí á géédí dqóñondí pqulá geedí bíílöeqí.
- Álá daa geedí taláte dííñí dqukqúnuñ.
- Mín mbálo álá águdqíña geedí dííñí tha almedáná dqaañiyú.

#### **1. Álá águdqíña geedí thá hu hollóñoníñ tha almedánu**

- Gubal á géédí gúúdqá dííñí álá mádíña marthé shambá gúdqí már-éne míñ mbálo álá águdqíñagú náfar náfar lémín áné fía márthé alú kqíllíñá mare.
- Á géédí hólloñoníñ damá dííñiqí na ndu alú máré áshushuña ma álé shíñ qúdqí fádí dqúkqunúñ máré ííla lémín áné fía márthé alú kqíllíñá mare.

#### **2. Álá daa geedíé dííñí náfar náfar máré gúúdqá thaarathéqí u maagun dieqí máré állame than.**

## Azañzaña maabá ágarrañíeqí

Geedí walá tharane guudqá ma holígú álá ábadqíñe bakqa híbí mare aň u álá farága shímíngú máré állama thá mare.

Sha álé gúúdqá dííñí tha almusíkqá álá náfage tha almusíkqá huluné than máré állama u álá ábadqíñegú.

### 3.4.4. Aguzua tha almusíkqale

Álá ázala almusíkqá pqishí geedíeqí álá áhalthíña maréyú máré shíñ guuzu shambá fédqí máré míñ mbá halí märényú.

Á máábá ágarrañí táábaqa geedí ma madí guudqágú ma pqíshí u wálá ma madí máré míñ mbá halímáré almusíkqayú.

Álá jáhaza almusíkqá pqíshí tha almusejel álá áhalthíña geedíyu.

- Almusíkqá alkqomíá dqafaruqí.
- Álá áhalthíña geedíyú áwal shá mare fágada.
- Álá shapqútha gíné almusíkqó tha arráha u mandáñ mandáñ u álá dqokqothagú tha annúsú.
- Almusíkqá haalóó géédíyú álá ákada ma gádar máré haará.
- Almusíkqá thámóóga mare íle álá dqokqotha maré ándí alkqómíá gídíne.
- Almusíkqá haalóó géédíyú álá kqala mártheqí máré ázala mbá pqíshí mártheqí mare hozá.
- Almusíkqá azzamanú má zííqí mbá thámóóga géédí ílé álá kqala mártheqí mare daagá array.
- Almusíkqá ápqíshínlá tha alqálamú álá áhalthíña marèyù u mare daagá arráy.

- Haará thá Afríka álá áhuluqí tha mbá Itíópqíale álá áhozíñā geedí.
- Á géédí gássame tha abuurá mare háára ahapqúnááthé haará pqíshí mártheqí.
- Alqáhír baró álá árothu geedíqí máre daa arráy aguzuamártheqí.
- Alfídío ma zíqí tha almádarasú álá mágína geedíe haará Itíopqíia u mbá thá Afríka.

## **Aguzua tha almusíkqa, shapquthá shepqenó**

### **Shambá daalá addársalé**

Á géédí náfaqí thá gíné almusíkqó mbá shákqalá mare shá maré mágína aguzuaqí tháñ tha abuura u náfar náfar ma álá shapqúthí mare.

### **Shapquthá shepqanó thá nagára**

Shambá gárraláne gubál mbálé shapquthá shepqanó azzámanákqedqe mágínlé thá notá rúbu. Shapquthá shepqenó gádarlá álá ííla ma álé beegalá témbó tha arráha u mandáñ mandáñ.

- Álá áshuríñā geedí tha almedánú árbaqa árbaqa álá daagá nagáragú mágé ííla shapquthá shepqenó tha arráha.
- Mín mbá kqódí mágéne álá áqílhñā maré ma bírí baalá shúgo.
- Á géédí rootha shambá dqafaru águzua maré.

Álá áqílhñā geedí shapquthá shepqenó ma bírí.

Alqáhír baró álá sáha geedíe gíñ shákqalóó mágé u álá muusqa mágétheqí u álá kqala mártheqí mágé állama.

## **Shapquthá buunó thá almusíkqa**

### **Shambá daalá addársalé:-**

Tha addársá dqafáreyú geedí maadá shapqutha shepqanó ma pqíshí. Tha addársaleyú mare gárra shapquthá buunó shapquthá buunó azzámaná kqedqe mágdíñle thá 1/8 notá. Notálegú íllá thá tembó ma bírí baalá shugo.

### **Shambá íllá shapquthá buunó tha alafé**

- Ma geedí álé holí tha alfásílu álá náfaqí tha alafé álá ííla shapquthá buunó.
- Álá ákada ma gádar máré shakqalá ma pqíshí.
- Álá fish áshakqalthíña maté ma bírí baalá shugo.
- Álá áqílhíña shapquthá buunó ma bírí míllañ.
- Álá ágalu shapquthá buunó árbaqa u mbá shepqenó árbaqa álá áqílhína mare u álá dqokqotha mare shambá dqafaru mare.
- Álá ííla shapquthá buuno má madqu gundí u álá ámothíña geediyú.

### **Shapquthá guudqó tha almusíkqá**

### **Shambá daalá addára alqáwal**

Tha addársá dqafáreyú geedí maadá shapqúthá buunó u mbá shepqenó Tha addársaleyu shíñ mare gárra shapqutha guudqó. Shapquthá guudqó mágdíñlé thá notá 1/16. Alqalámá almusíkqolégú ma íílaña ma madqu gundí áné hatháñé sha pqutha guudqó Álá bírhíña u álá ádídíña tha arráha thá tembó.

## **Gígí**

- Álá áshuríňa geedí tha almedánú álá kqalagágú máré háára dííñí guudqa shambá garrá máréné thá shúlíndu tälátayú ma álé gúdqí mare.
- Á géédí rootha haará márá ma huluqí thá shapquthá guudqóle.
- Álá gássama geedí tha abuura, á ábuuramáñ háára u á abuura mañ shíñ gúúdqá dííñí.
- Á géédí físh háára ma máré álé gúdqí dííñí

### **Shambá daalá addárs attaní**

Á gèédí dama thééleqí márre guuzuma mare haalá haarayú.

Álá gássama geedí tha abuurá álá kqalagágú mare guuzu aguzuá huluqí thá haarale. Ma álé ílmáré mare dama thééleqí u máré lagazíñe thoñoríndu kqíllíñeqí Álá damá álá lágazíñe thaarathéqí u ma agundíeqí thaabá pqíishíe u tháábá gambié tha alúle sáwa. Álá ázala haará huluqí tha aguzione. AShan áné pqíishá álá gássama geedí tha alkqómía.

### **Shambá daalá addárs attálít**

Ma maabí hárí államálá sha álé bíaga thabáyú. Ma bíagalá thabayú sqáwarthìñ haara ma shar ma mbále musqí busqíkqeyú físh Aishan shúgo:

- Assáqá hár geedí
- Assáqá thám máré íle hare tha almusájel
- Assáqá ílí mare aqílí alqadó
- Assáqá hár mámanañ ma álé shín gíbíl máábí máñ álá bíagá thabáyú u mare bía thabáyú thá shooréqí thírtheqí u thoñoríndu kqíllíñeqí.

## Shambá daalá addárs arrábe

### Aguzua tha almusíkqa maáié beegalá thabáyu u ma álé fígalá sqakqa thá hu

Thálé gíñ áhululáqí aguzua thabo u mbá hú mmaané. Ashan shugo ma mare álé hárí

- Ma maré hárí abuura u ma maré álé thám haaré íle tha almusájel,
- Ma maré hozí hoházá alqadó.
- Máré áhulu thabáqí thá hule mare bía thabáyú máré fíga sqakga thá hu lakín ma gó máré thuthá pqíshí míllañ. Ma shar ma mbále assáqá ílí máréné mare guuzu thoñoríndu kqíllñéqí.

Másal : Álá gássama geedí tha abuurá á ábuura mañ lágazíña aré añá horí múnzue u abuurá máñ shíñ añáhíí múnzúeqí. Abuura kqíllíñ máré bádaqa thá boolo dqukqúnuñ, tha assáqa dqukqúnuñ u tha aguzua dqukqúnuñ. Máré físh áshuriña hu ma dqukqúnuñ. Álá kqala mártheqí máré matha thí.

## Shambá daalá addárs alhámís

Gímnastíkí madqu gundí tha aguzuá almusíkqó

Álá hásaba geedíe máré állama gímnastíkí daalá márthéqí tha aguzua

Aguzua daalá mártheqí ashan sáwar maré jáhazagá haará huluné than míthíl.

- Máré bíagá nagára
- Máré hááragá
- Máré thámagá íle haareqí tha almusájel mare állama tha addáraja u álá áshakqalthíña geedí alfasílú kqíllíñ ma madqu gundí

Aqílí gímnastíkúlé ashan màdíñ géédíqí assáqá zíí alqíd tha almádarasú álá kqala geedíe mare állama ma pqíshí assáqá thíkqíga méréne thoñor.

Álá múfa aguzualégú mandáñ u álá geera geedí madíne gígí ma pqíshí méré madíñia ahapqúnááthéqí u mare állama tha abuura.

### 1. Aguzua giílá tha almusíkqa u thá shepqena

- Álá gássama geedí tha abuurá u álá áshuríñagú tha assáf tha almedánú shambá tqaru máre alú.
- Álá hásabagagú tha arráha 1, 2, 3, 4, méré áshushuña thabá thírtheqí u thá shooréqí ma maré álé shepqéní míñ mbá kqallá 4 méré hatha thabá alú thá íle míñ mbá kqallá 5, 6, 7, 8 méré ábu-tha thabé tha arráha.
- Máré máthíñathí ma namuqí méré záá ma maré álé guuzuqí lé tha annúsá almedanúyú ma álé hásabígalá mártheqí.
- Maabí zááó míñ tha abuurá kqíllíñú maré ñínéñ áshuríñne hu t ha 8 tha annúsá almedanúyú.

### 3.4.4 Bridging Activity

#### Word Bank

- Free movement – Busqíkqeñí mumulîña tha arráha
- National anthem – Haará adaarú
- Aerobic – Hoházá adí thé busqíkqeñí abîbidîñuale

1. Moving your body as you want is \_\_\_\_\_ [free movement]
2. Sara is exercising and moving in time with the music. She is doing \_\_\_\_\_ aerobic exercise to keep her heart strong. [aerobic]
3. Before the football match, every citizen of the country sang the \_\_\_\_\_ about their flag [national anthem]

#### Igeerá ákqusqolé

##### I. Móóthá dqokqothálegú sha assé wálla busqáñ

1. Dííñí guudqa náfaqí assáhá busqíkqethúeqí.
2. Booloyú gín halláyú thé íle mmaané
3. Alqíkqlímá Beníshangúl Gumúz thíkquqí thé Itíopqía thañor añá híí munzu théábá gambíeqí.
4. Mín gíñ ábadqíñ busqíkqeñí shepqena u buuna añ dqukqúnuñ ñínéñ thíkqune thayú.
5. walá maabí gádarí álé jáhaza alhítim dookqó.
6. Aqílí gúgudqíñgalá walá pqíshí álé già thé gíné almusíkqó
7. Alkúra gádargalá álá shapqútha thé hu añá fédqíláne.

8. Aguzua zíqí tha addúníayú kqíllíñ walá zíqí mbá zíí thá shapquthá  
Almusíkqoyú.

9. Nagára walá ma gíné almusíkqó.

10. shapquthá kaarabó walá gádargalá sha álé áhuluqí thá shapquthá  
ñgúnuñle.

**II. Roothá zíí thá “A” hu áhuluthé thá roothá zííqíle thá “I” hu**

A

“I”

- |   |  |
|---|--|
| <u>      </u> 1. Hu théélé thañthañú                | A. Mín mbá thíkqínéne mbá                |
| <u>      </u> 2. Hu théélé thuthó                   | aqafaruqí                                |
| <u>      </u> 3. Bolí /ñʌ/                          | E. Mín almúfsal lé hu alú dqááñí         |
| <u>      </u> 4. Alkúrsí dqíñlá almízán<br>alú tháñ | I. míñ almúfsal lé hu alí baalá          |
| <u>      </u> 5. Thabá                              | O. Náfaqí ashúkquléqí                    |
|   | U. mbá walá nagásí míñ 30 sentí<br>mítír |

### **III. Ázalathá moothá ma asse**

1. Gíñ walá huluqí tha ashúkqulá sawaróyú  
A/ arrásím u dquula    E/ mozák    I/ “A” u “E” O/ walá zíqí
2. Gíné almusíkqó mbá shapqíthíla  
A/ arrabába    E/ alafé    I/wazá    O/ kqíllíñ
3. Thoñoríndú gíilá alhítím thañ thoñoríndu kámmu gássamgane ?  
A/ 2    E/ 1    I/ 6    O/ 10
4. Gíñ walá huluqí tha ashúkqulá sawaróyú  
A/ arrásím u dquula    E/ mozák    I/ “A” u “E” O/ walá zíqí
5. Gíné almusíkqó mbá shapqíthíla  
A/ arrabába    E/ alafé    I/wazá    O/ kqíllíñ
6. Thoñoríndú gíilá alhítím thañ thoñoríndu kámmu gássamgane ?  
A/ 2    E/ 1    I/ 6    O/ 10

7. Sháñ dqínlá almízán alú ?

A/ thé dñoñoshá E/tha íyú    I/ thaabá    O/thaalú

8. Ándí mbá náfa alhítím gígíé thé dookqó ?

A/ hangír E/bele    I/ arrabába    O/kqíllíñ

9. Dííñí guudqa barshíñá nanó ábadqíñné ?

A/ mbá kqafathú E/ mbá alkíló    I/mba alú    O/ kqíllíñ

### **IV. Áhorathá aňiyúlegú**

1. Mín gíñ gíilá tháábá dqukqúnuñ \_\_\_\_\_ mmaané.
2. Alkúra dqaakqa u muña aguzua busqethú mbá \_\_\_\_\_ mmaané.

3. Aguzua dqíñgalá almízán alú thá \_\_\_\_\_ u thá shuríña ñínéñ gíiláne.
4. Tha aqílí gagíñugalá maamánáñ mbá gagí mmaané u mamánáñ shíñ .  
\_\_\_\_\_

5. Mín gíñ busqíkqe íqabíbídíñuó dqukqúnúñ \_\_\_\_ almedanú mmaané.

## Moothá Ígeeró

### I/ Assé u busqáñ

- |           |           |
|-----------|-----------|
| 1. Assé   | 6. busqáñ |
| 2. Assé   | 7. Assé   |
| 3. Assé   | 8. busqáñ |
| 4. Assé   | 9. busqáñ |
| 5. Busqáñ |           |

## Moothá Ígeeró

### I/ Assé u busqáñ

1. Assé
2. Assé
3. Assé
4. Assé
5. Busqáñ
6. busqáñ
7. Assé
8. busqáñ
9. busqáñ

## **II. Roothá zíí thá “A” hu áhuluthé tha roothá zííqíle thá “I”**

1. E
2. I
3. A
4. U
5. O

## **III. Ázalathá moothá ma assé**

1. A
2. E
3. A
4. E
5. O
6. A
7. E
8. I
9. A
10. A

## **IV. Áhorathá aňiyúlegú**

1. Dqaakqa
2. Mbá ma halagá
3. tha aguzua
4. Mbá gagíla
5. Tenís